

Ambrôise paré auteur
de ce livre est d'au la Mas
des grands Chirurgien de la
France

on voit au frontispice que
les Chirurgien de ce temps
ne se croyaient pas de honorer
de prendre la qualité de
maîtres Barbiers :

La Methode DE TRAICTER LES PLAYES FAICTES PAR HACQVEBVTES ET AVLTRES *bastons à feu: & de celles qui sont fai- Etes par fleches, dardz, & semblables: aussy des combustions specialement fai- Etes par la pouldre à canon,*



*Composée par Ambroise Paré maistre Bar-
bier, Chirurgien à Paris.*

AVEC PRIVILEGE.

A PARIS,

Chés viuant Gaulterot, à l'ensei-
gne de Saint Martin, rue
Saint Iaques.

EXTRAICT DES RE- gistres de Parlement.

La Court, veue la Requeste à elle
presentée par Viuant Gaulterot Li-
braire iuré en l'uniuersité de Paris, par
laquelle il requeroit luy estre permis
imprimer, ou faire imprimer vn petit li-
ure intitulé, la Methode de traicter les
playes faictes par hacquebutes & aul-
tres bastons à feu, & de celles qui sont
faictes par fleches & dardz: aussi des
combustions specialement faictes par
la pouldre à canon, A permis & per-
mett audict suppliant imprimer ou fai-
re imprimer ledict liure, & iceluy
exposer en vente: Et faict defences à
tous aultres libraires, iceluy imprimer
de cinq ans, à peine d'amende arbitrai-
re: Faict le 20. d'Aoust. 1545. Colla-
tion. Du Tillet.

23

A TRESILLVSTRE, ET
Trespuiſſant Seigneur, monſeigneur
René Viconte de Rohan, Prince de
Leon, Conte de Porhouet, de la Gar-
nache, de Beauuais ſur mer, & de Ca-
rantan, Ambroyſe Paré tref-
humble ſalut.

Monſeigneur, me perſuadât
que le conſeil des bons &
prudents amys, doit pluſ-
toſt eſtre ſuyui que negligé, j'ay, tât
par raiſon, que par experience, faiât
en moy quelque recueil par me-
thode & artifice, tant que mon
petit entendement à peu com-
prendre, de la curation des playes
faictes par baſtons à feu: auſſi de
celles qui ſont faictes par fleches,
dardz, & instruments ſemblables:

Aij pa-

pareillemēt des combustions fai-
ctes par pouldre à canō, lequel i'ay
cōmuniqūē à mes amys, desquelz
ay esté induict le mettre en lumi-
ere, en forme de quelque petit trai-
cté, avec la plus grande brefueté,
qu'il m'a esté possible. Et m'a, pour
plusieurs raisons, semblé debuoir
estre dedié à vostre nom: Car estāt
à vostre seruice es guerres & autres
lieux, ay experimenté ce de quoy
est traicté en iceluy. D'auātage, par
ce que ay congneu souuentesfoys
le singulier vouloir & affection,
quaues eu de faire traicter ceulx,
qui es dictes guerres & autres lieux
ont esté blessés: qui me faict espe-
rer, que mon petit labeur qui par-
le des moyens de guerison desdi-
ctes maladies, vous fera agreable:
luy donnant autorité, par laquelle
il sera

3
il fera defendu des morseures des
enuieux, & receu des bons plus hu
mainement. Vne seule chose me
desplaist, quil n'est aussi excellent,
comme vostre haultesse le mérite:
mais vostre humanité supplira le
deffault: laquelle se peult asseurer,
que ie suis vostre seruiteur treshū
ble, & appareillé à tous voz bons
commandemens, aydant nostre
createur, auquel ie supplie vous
donner prosperité en ce
monde, & felicité
perpetuelle.

A iij



AVX IEVNES CHIRVRGIENS DE
bon uouloir.

M Es amys & freres de profession Chirurgique, pour satisfaire à vostre petition, me suys efforcé vous escrire en ce petit traicté, la maniere que j'ay suivie, & uen suivre aux bons Practiciens Chirurgiens, tant es guerres (lesquelles ay fréquentées) qu'ailleurs, en la curation des uulnères faicts par bastös à feu, & par fleches, dardz, & instruments semblables: aussy des combustions principalement faicts par pouldre à canon: Non comme presumant en moy estre capacité de vous pouvoir enseigner (à qui plustost instruction seroit necessaire) mais pour en partie satisfaire à vostre desir: & aussy pour stimuler quelque plus hault esprit d'escrire de ceste matiere, afin que nous en puissions tous avoir plus grande notice. Doncques ie vous prie humblement prendre en gré ce petit labeur: lequel si ie congnois vous estre agreable, m'efforcera y faire aultre chose, selon que mon petit esprit pourra comprendre. A tant ie supplie le createur, freres & amys, heureusement conduyre nos oeuvres soubz sa grace, augmentant tousiours nos bonnes affections, de sorte qu'il en puisse sortir quelque fruct & utilité, au support de l'infirmité de la vie humaine, & à l'honneur de celuy en qui sont cachés tous les thresors de science, qui est le Dieu eternal.

4

LA METHODE DE TRAICTER LES playes faiçtes par hacquebutes, et aultres bastõs à feu: & de celles qui sont faiçtes par fleches, dardz & semblables: Aussi des cõbustions specialement faiçtes par la pouldre à canon. Composée par Ambroy- se Paré maistre Barbier, Chi- rurgien à Paris.



LEs playes faiçtes par ba-
stõs à feu, ne peuuent estre Diuisiõ
simples, mais necessaire-
ment compliquées, c'est à
scauoir, avec contusion, dilaceration,
intemperature, & tumeur contre na-
ture. Desquelles les vnes sont es par-
ties nobles, les autres es ignobles: sou-
uent es parties carniformes, nerueu-
ses

LA CVRE DES PLAYES.

ses, offeuses: aucunesfoys avecruptiō
 & dilaceration des grands vaysseaux
 comme veines & arteres: maintenant
 superficieles, quelquefoys profondes,
 souuent penetrantes oultre le corps
 ou membres, esquelz sont faiçtes, au-
 tresfoys non. Parquoy selon icelles dif-
 ferences, conuient au chirurgien pren-
 dre diuerses indications, & suyuant
 icelles diuersifier les remedes. Aucuns
 disent icelles playes estre combustes et
 veneneuses par la qualité de la poul-
 dre, et ballotte ou boulet: dōt grāds ac-
 cidentz suruiennent. Mais facilement
 se peult reprouuer telle opinion. Car
 en premier lieu, la ballotte de soy ne
 scauroit cauteriser, pour ce que le plōb
 ne peult concepuoir si grand chaleur
 qu'il ne fust fondu. Toutesfoys nous
 voyons la ballotte passer au trauers
 d'un harnoyz iusques à entrer dedans
 la

Proba-
 tiō com-
 me la
 ballotte
 ne peult
 cauteri-
 ser cōtre
 l'opiniō
 de plu-
 sieurs.

la chair, & estre encore entiere. Outre plus nous voyons lesdictes ballottes auoir esté iectées cōtre vne pierre, & neantmoins tout soudain on les peult tenir en la main, sans notable chaleur: combien que l'atrition ou collisiō d'icelle avec la pierre, deust auoir encores augmenté sa chaleur: Donc ne pourra estre faicte adustion par la ballotte. Et s'ilz disent estre par la pouldre à canon, ia la pouldre n'est caustique, comme l'experience le monstre. Car en l'applicquant sur aucun vlce-
 re, ne faict corrosion ou manifeste douleur, fors en bien petit instant apres qu'elle y est appliquée: ce qu'ay voulu experimēter, premier qu'en donner iugement. Et de ce chascun peult faire facile experience. D'auantage qu'elle ne soit veneneuse, ie le preuue par ceste raison: Nul simple qui entre en elle, n'est

Argument de la pouldre à canon n'estre veneneuse.

LA CVRE DES PLAYES

Aultre
argumēt

Similitu
de.

n'est trouué veneneux, moins donc sera
veneneuse sa composition, & toute sa
mixtion. Oultreplus posé qu'elle eust
biē grād' acrimonie, encore ne pour-
roit elle estre portée avec la ballotte,
qu'en bien petite quantité: car elle est
consumée tant par l'action du feu, que
separée par l'agitatiō de l'air. Et quāt
à ce que tant facilement s'enflamme:
n'est suffisante raison pour conclure,
qu'elle ayt faculté ou vertu de faire
adustion: car le camphre combien qu'il
soit tresfroid, ne laisse pourtant de pro-
ptement s'enflammer, & ce que l'eau
de vie se conuertit en flamme, n'est tāt
pour sa chaleur, que pour la tenuité
des parties. ce qui se monstre: car icel-
le eau bien distillée, puis exposée à
l'air, s'esuanouit, & dissipe en substan-
ce aereuse. Semblablement souuent es-
fois

fois on voit que parauant que la bal-
lotte entre en aucun membre, elle ren-
contre harnoys, & habits: & en icelle
confriktion le reste de la pouldre se se-
pare & diminue de ladicte ballotte:
parquoy n'y peult demeurer que bien
petite portion d'icelle. Mais quand ne
rencontre aucune chose interposée de-
uant la chair, en ce cas pourroit por-
ter plus grande quantité de pouldre,
qui est cause de noircir la playe. ce
qui à deceu & abuse aucuns, cui-
dans telles playes estre adustes: ce
qui pour les raisons predictes est
absurde & mal entendu.

Parquoy ne debuons inger les grāds ac-
cidents prouenir par adustion de la bal-
lotte, ny par la venenosité ou acrimo-
nie de la pouldre à canō: mais à raison
de la contusion, dilaceration, et fractiō
que

Conclu-
sion.

LA CVRE DES PLAYES

que faict la violence & rotundité de ladiçte ballotte es parties nerueuses & offeuses. Et quand le cas aduient que ladiçte ballotte ne touche que les parties carniformes, & en vn corps de bonne temperature, i'ay trouué telles playes autant peu rebelles à curation, & tant faciles à traicter, que celles qui sont faictes par autres bastons, faisant vulneres rondes, contuses, & de telle figure que fait la ballotte. Partāt est necessaire auoir plus d'esgard aux symptomes de la contusion, dilaceration, & fracture d'os, que à la combustio, qu'on estimerait prouenir du boulet, & venenosité de la pouldre à canon, pour les raisons predictes. Lesquelles i'ay mises en lumiere pour aider aux ieunes & nouueaux practiciens de Chirurgie, escripuant de ceste matiere brefuement ce que i'ay peu experimen-

Intentiō
del' Au.
teur.

rimer, suyuāt plusieurs foys l'exercice des guerres: quoy faisant ay suyu le conseil des Medecins, & gens de ma profession, fameux & approuués pour leur doctrine, & experiēce. Aux quelz ce petit traicté n'est escript, cōme sachans choses plus haultaines, que mes escriptz: mais aux nouueaux ouuriers de cest art, & à ceulx qui n'auront meilleur ayde pour suruenir aux cas vrgets, prouenants es dictes matieres: lesquelz surprennent quelque foys le conseil du Chirurgien, si raison & experiēce ne conduict son oeuvre.

Au commencement doncques de la curation, fault oster les choses estranges, si aucunes en ya: comme portion d'habit, pieces de harnois, mailles, ballotte, dragée, esquilles d'os, chair dilacée, & aultres qui peuuent aduenir,

Cōman
cemēt de
cure.

LA CVRE DE S PLAYES

Lemoyé
de tirer,
les cho-
ses estra-
ges.

¶ des le premier appareil, si possible
est: car les accidents de douleur & sen-
sibilité ne sont si grands au commence-
ment cōme aux aultres temps. Et pour
mieulx les extraire, fault situer le pa-
tiēt en la figure en laquelle il estoit lors
qu'il fut blessé, pource que les muscles
& aultres parties aultrement situées,
peuvent estouper la voye, & garder
de trouuer lesdictes ballottes, ou aul-
tres choses estranges: & les fault cher-
cher avec le doigt, s'il est possible, plus
tost que avec aultres instrumēts, par ce
que le sens du tact est plus certain que
la sonde, ou aultre chose insensible. Et si
la ballotte est profonde, soit cherchée
avec vne sonde ayant rotondité en son
extremité, de paour d'induire douleur:
mais souuent aduient que par la son-
de lon ne peult trouuer la dictē bal-
lotte: Ce qui aduient au camp de Par-
pai-


paignan à noble seigneur monsieur
 de Brissach, lors qu'il fut blessé d'un ^{Exéple.}
 coup de hacquebute près l'omoplatte,
 ou plusieurs Chirurgiens ne peurent
 trouver ladiète ballotte: & la di-
 soient estre entrée dedans le corps,
 entendu qu'il n'y auoit point d'issue à
 la playe. Lors fuz enuoyé par mon-
 diēt Seigneur de Roban, vers lediēt
 Seigneur de Brissach, pour scauoir si
 ie pourroye trouver ladiète ballotte.
 Et pour paruenir à ceste fin, ie com-
 primay doucement les parties cir-
 cunuoisines de la playe, & en ce fai-
 sant ie trouuay tumeur, & dureté
 en la chair, entre la partie inferieu-
 re de l'omoplatte, & environ la se-
 ptiesme et huiētiesme vertebre du dos:
 & en icelluy lieu fut faicte l'inci-
 sion, & la ballotte tirée par vng
 nom-

LA CVRE DES PLAYES

nommé maistre Nicole, l'un des Chirurgiens de monseigneur le Dauphin, & depuis fut tost guery. Parquoy est bon chercher la ballotte, non seulement avec la sonde, mais (cōme i'ay predict) avec les doigtz, en maniant & traitant le lieu & environ, ou l'on coniecture la ballotte auoir penetré. Et peuvent les choses estranges estre ostées par telz instruments, cy apres figurés: comme cestuy nommé bec de corbin, pour ce qu'il represente vn bec de corbin: & doit estre dentelé pour mieux tenir & tirer lesdictes choses estranges.


Diuers
instru-
ments
sont re-
quis
pour ex-
traire
les cho-
ses estrā-
ges.

Bec de Corbin.



Lesuyuant est nommé bec de grue,
pour sa similitude: lequel pareillemēt
doibt estre dentelé, & est propre à ex-
traire dragée, maille, esquilles d'os
fracturés au profond des membres.

Bec de Grue.




Celuy d'apres est nommé bec de cā
ne, pour sa similitude, lequel ha vne ca-
uité en son extremité large & ronde,
dentelée, pour mieulx prendre la bal-
lotte: & est propre principalemēt aux
parties carniformes.

B Bec

LA CVRE DES PLAYES

Bec de Cane.



Vn aultre nommé tirefond , lequel
torne à vis dedans vne canule : & est
fort conuenable à tirer & extraire
lesdictes ballottes, lors qu'elles sont in-
serées & entrées dedans les os: car sa
pointe entre dedans ladicte ballotte,
& par ce moyen peult estre aysément
ostée.


Ti-



Tirefond.

Verge du Tirefond.

Canule du Tirefond.




Le subsequent est nommé tenaille incisive: lequel est commode à couper aucun os fracturé, qui sort hors la chair, lors qu'il a esté rompu par la violence du boulet, & est plus aysé

Bij que



LA CVRE DES PLAYES

que n'est vne sye, & ne faict tant de douleur: ioinct que par luy l'operati-
on est plus subite.

Tenailles incisives.



L'instrument soubscript est nomme
dilatatoire, du quel on peut souuen-
tesfoys vser à ouurir & dilater les
playes, affin de mieulx trouuer lesdi-
ctes choses estranges: car en compri-
mant l'une de ses extremités, l'autre
se ouure: & peut servir en plusieurs
lieux, comme aux dictes playes, aux
narilles, in ano, &c.



Le suyuant est nommé aiguille à seton, lequel est conuenable lors que lon veult passer vng seton pour tenir vne playe ouuerte, iusques à ce que l'on ayt mis hors lesdictes choses estranges. Oultre peult seruir à sonder les playes profondes, pour trouuer souuëtesfoys la ballotte: & ne cause point de douleur, pour ce qu'il a rotündité en son extremité.

Aiguille à Seton.



LA CVRE DES PLAYES

Auertis-
sement
pour le
Chirur-
gien.

Et fault que le Chirurgien soit mu-
ni de plus grands, & plus petitx in-
struments en chascune de ses formes:
affin d'accommoder ses instruments
aux playes: & non pas les playes à ses
instruments.

Remede
pour le
premier
appareil

Et pour le premier appareil fault
appliquer de l'huile qui sensuyt, vn
peu plus chaulde que tiede dedans la
playe, avec tentes ou setons.

Oleū ca-
tellorū.

Re. olei violati ℥ quatuor, in quibus
coquantur catelli duo nuper nati, vs-
que ad dissolutionem: addendo vermiū
terrestrium præparatorum, vt decet ℥
vnā: coquantur simul lento igni, deinde
fiat expressio quæ seruetur in vsum
prædictum. Ladicte huile est de grāde
efficace, tāt pour seder la douleur qu'à
suppurer la playe: Et en de fault de ce,
fault appliquer d'icelle. Re. olei semi-
nis lini & liliorū ana ℥ iij. vnguēti basi-
lici ℥ vnā: liquefiāt simul, & ex eis vul-

neri indatur quātū sufficit. J'ay veu vn
 Chirurgiē allemāt, lequel vsoit de suc
 d'escreuisses crues, pilées, et espreintes,
 mises dedās la playe: et disoit estre fort
 singulier à seder la douleur: mais ie ne
 l'ay experimēté. J'ay practiqué et vou
 lu experimenter, cauteriser les playes
 avec huile boullāte: & cauteris actū-
 elz, mais i'ay trouué ladiēte cauterisa-
 tion fort doloieuse, & peu profitable,
 à cause des grands accidents qui sur-
 uienēt: toutesfoys au cas qu'il y auroit
 grāde hæmorrhagie, lors lesdicts cau-
 teres y auroient lieu, & nō aultremēt.
 Or quāt aux dictes huiles, i'ay biē co-
 gneu q̄ icelles appliquées mediocremēt
 chauldes, sedēt la douleur, & lubrifiēt
 ou humectent les paroyz de la playe: la
 disposāt à suppuratiō q̄ est la vraye me-
 tho. de guerir telles playes. ce q̄ Gal. au
 3. de sa met. recite de Hi. cōme il s'esuit.

Les cau-
 teres sōt
 reiectés.

LA CVRE DES PLAYES

Si aulcune chair est contuse ou batue
d'aulcū dard, il fault icelle en telle sor-
te medicamenter qu'elle suppure, si
promptement que faire se pourra: car
en ce faisant sera moins molestée de
phlegmō, & est necessaire que la chair
contuse & batue, soit putrescée & con-
uertie en pus, & liquefiée: puis apres
nouuelle chair engendrée. Et aux par-
ties de dessus la playe & circumuoisi-
nes fault applicquer remedes refrige-
rants, & roboratifz pour repercuter
& empescher la fluxion des humeurs,
comme cestuy.

Toute
cōtusiō
notable
pour sa
cure, re-
quiert
suppura-
tion.
Hip. de
vulner.
et fractu-
ris capi-
tis.

Reper-
cussif.

Re. pul. boli armeni, sang. drac. myr.
ana vnc. vnā, succi solani, semperuiui,
portula. ana vnc. vnā semis, albumina
quatuor ouorū, oxyrhodini quātū suf-
ficit, fiat linimentum vt decet. & aul-
tres semblables: & en fault vser ius-
ques à ce que on soit assure des acci-
dents

dêts. Pareillemēt il ne fault omettre à bien bender le membre, le situant en figure moyenne sans douleur, s'il est possible. Et au second appareil & autres Reme - despour le secōd appareil & autres ensuy- uanse suyuant, fault seulement prendre l'vne desdictes huilles, & y adiouster moyeux d'oeufz, avec vn petit de saphra & en vser iusques à tant que l'excrement de la playe soit digest, & tourné en suppuration: puis fault commencer peu à peu à mundifier, en adioustant audict médicament therebentine lauée en eue de roses, ou d'orge, pour luy oster l'acrimonie: toutesfoys si la disposition du temps estoit fort froide, on pourroit adiouster de l'eue de vie suyuant le conseil de Galien au troisieme de la meth. qui enseigne en l'hyuer applicquer medicaments plus chauds, & en l'esté moins: en apres fault vser de cestuy.

LA CVRE DES PLAYES

Mundifi-
catifz.

Re. aquæ decoct. hordei quantũ suf-
ficat, vermium terrestrium ʒ iiij. succi
plantag. apij, agrimonie, cetaurij mi-
noris ana ʒ vnā: bulliāt simul omnia, ad-
dendo in fine decoct. terebenth. venet.
ʒ iiij. mellis ros. ʒ ij. farine hordei. ʒ. ij.
croci, & vnũ, misceantur simul omnia be-
ne agitando, fiat mundificatiuum me-
diocris consistentie. Ou cestuy.

Re. tereben. venet. lotæ in aqua cõue-
niēti. ʒ v. olei ros. ʒ vnā. mellis rosa. ʒ iiij.
myrrhæ, aloës, mastich. aristoloch. ro-
tundæ ana ʒ vnā semis, farine hordei
ʒ iiij. misce: fiat mundificatiuum, & soit
applicqué dedans la playe avec tentes
ou setons: & si la playe estoit sinueu-
se, & profonde en sorte que iceulx
medicamēts ne peussent attoucher tou-
tes les parties des vulneres, lors faul-
drot faire iniection avec telle deco-
ction.

Re.

Re. aquæ hordei ℥ iij. agrimonie, cē ^{Decoction mun-}
 taurij minoris, bipinellæ, absinth. plā- ^{dificatiue.}
 tag. ana. m. semis, radic. arist. rotundæ
 3 semis, fiat decoctio, ad ℥ vnā. in cola-
 tura expressa dissolue, aloës hepaticæ
 3 iij, mellis rosati vnc. duas, deinde bul-
 liāt modicum. De laquelle en soit iecté
 dedans la playe avec syringue, trois
 ou quatre foyz à chascune heure que
 le patient sera habillé: et se icelle n'est
 suffisante à deterger la sanie, ou chair
 spōgieuse, morte, ou pourrie, fault ad-
 iouster en icelle decoction, ægyptiacū
 liqfié, en la quātité qu'il sera besoing,
 cōme pour vne libure de ladiète deco-
 ction, enuiron vne once: lequel est
 de tresgrande efficace pour corriger
 la chair spongieuse & mauuaise, du
 profond des dictes playes.

Ce que faict aussi ledict ægyptiacum
 applicqué seul sur la supercroissance
 de

LA CVRE DES PLAYES

Pouldre de chair mauuaise: Semblablement i'ay
 cathere-
 ticque. experimenté en tel cas la pouldre de
 Mercure, & alun bruslé, meslés en es-
 galle quantité, auoir vertu & action
 bien peu moindre que le sublimé ou ar-
 senich. Combien qu'elle ne soit tant do-
 loreuse: car ie me suys esmerueillé sou-
 uent de la grãde eschare qu'elle faisoit.
 Aucuns practiciens laissent grande
 quantité de decoction au profond des
 playes sinueuses: ce que ie n'approuue:
 car elle tiët les playes estēdues, et leur
 est chose estrange, & icelles humectā-
 tes: parquoy nature ne peult faire son
 debuoir à regencer chair: cogneu que
 pour la curation de toute vlcere, com-
 me dict Hippocras, on doit auoir
 scop à deseicher, & non à humecter.
 D'auantage plusieurs errent vsans par
 long temps des setons, ce que ne me sem-
 ble conuenable, à raison que en les re-
 nouel-

nouuellant, frayent aux paroyes des
 playes faisans friction, & ainsi sont
 cause d'induire douleur: & aultres
 mauuais accidets. Parquoy i'appreuue Les ten-
tes sont
preferés
aux se-
tons.
 plus les tentes ou elles auront lieu: &
 ou y auroit grande quantité de sanie,
 les fauldroit canuler, & mettre com-
 presses à l'endroiect du fond du sinus: af-
 fin de comprimer les parties distantes,
 & expeller ladiète sanie. Aussi est biẽ
 conuenable, que à l'endroiect de l'orifice
 de l'ulcere sinueux, que la compresse
 soit pertuisée, & qu'il y soit mis vne es-
 ponge, affin de recepuoir la sanie ou
 pus: pource que par tel moyen se fera
 expulsion et absorption d'icelle sanie.
 En commenceant la ligature au fond
 du sinus la comprimant mediocremẽt,
 affin que la matiere ne soit retenue de
 dans. Et fault imbiber lesdictes ben-
 des & compresses en oxycrat, vin au-
 stere

LA CVRE DES PLAYES

stere, ou quelque aultre liqueur astringente pour roborer la partie, & prohiber la fluxion: mais il fault auoir esgard de non trop astringre la partie, pource qu'on seroit cause de induire douleur en prohibant l'exalatiõ des excremẽts fuligineux, & aussi pourroit induire atrophie au membre. Et la ou il y auroit aulcunes esquilles d'os, lesquelles n'auroient peu estre extraictes du commencement par les predicts instruments: lors fauldroit appliquer tel remede, lequel a grand faculté d'attirer & extraire les esquilles, et aultres choses estranges.

Remede
pour attirer les
choses estranges.

Recip. radic. ireos florentin. panac. aut capparum, ana ʒ duas, aristolochia rotunda, manna ana ʒ vnã, pulverizentur subtiliter, & incorporentur simul cum mellis rosati, & terebenth. venet. ana ʒ duabus.

Aultre pour oster lesdictes esquilles
 & la corruption des os.

Recip. resinæ pini sicca 3 tres, pu- Remede
 mic. combusti, & extincti in vino al- pour cor
 bo, ireos, aristolochiæ, ana 3 semis, thu riger la
 ris 3 vnã, squammæ æris 3 duas, pulue- corrupti
 rizentur omnia diligenter, incorporen on des
 tur cum melle rosato, fiat mundificati- os.
 um.

Et s'il y a quelque fer demeuré en
 la playe, soit appliquée pouldre de ma
 gnes subtilement puluerizée, & soit
 adioustée aux tentes avec les dessus-
 dicts deterfifz : car telle pouldre a
 grande vertu & propriété d'attirer le
 fer ainsi qu'il est cogneu par experien-
 ce. Mais il fault euitier l'erreur de plu-
 sieurs qui s'abusent en appliquant in-
 deuement la dicte pouldre iusques con-
 tre le fer, ce qu'il ne fault faire : car

LA CVRE DES PLAYES

Moyen
d'appli-
quer &
vfer de
la poul-
dre de
magnes.

ou elle touche ledict fer, necessairement
retient iceluy, lequel elle attireroit de
loing par sa faculté occulte : par quoy
fault qu'il y ait certaine distance de la
pouldre audict fer. Aussi par aucuns
iours suiuañts fault diminuer la tente,
selon qu'on verra que le fer s'appro-
chera de la superficie de la playe.

Et apres la mundification & extra-
ction desdictes choses estranges, fault
ayder à nature à regenerer chair, &
cicatriser, en appliquant les medica-
ments à ce conuenables, & procedant

Indicati
on prin
se de l'es-
sence de
la mala-
die.

Gali. au
3. de la
metho.

par certaines indications, lesquelles
sont prinſes premierement de l'essence
de la maladie, & de la cause d'icelle
s'elle est presente : iacoit que de cause
primitive (selon Galien au troiesieme
de la Methode) ne se doibue prendre
indication, non plus que du temps, ce
qu'il entend de la cause absente, & du

temps

temps preterit. Pareillement des temps
 vniuerselz, lesquelz doibuent estre qua
 tre en chascune maladie curable: c'est à
 scauoir commencement, accroissement,
 estat, & declination: & selon iceulx
 fault diuersifier les remedes.

Indica
 tiō prin
 se des
 temps.

Aultre indication est prinse de la tem
 perature du patient, laquelle sembla
 blement varie la cure: car chascun ra
 tional & methodique congnoit, qu'il
 fault aultres remedes à vn cholerique,
 qu'à vn phlegmatique: & ainsi des aul
 tres temperatures, tant simples que
 composees. Et sous ceste indication se
 ra compris l'aage, lequel aussi va
 rie la cure: car aultres medicaments
 fault à vn ieune qu'à vn vieil. D'auan
 tage se doibt prendre indication de la
 coustume de viure du patient, comme
 s'il auoit accoustumé de māger & boy
 re beaucoup, & à toutes heures, alors

Indicati
 on prin
 se de la
 cōplexiō
 du corps

Indicati
 on prin
 se de la
 coustu
 me de vi
 ure.

LA CVRE DES PLAYES

ne luy fault ordonner diete si tenue, cōme à celuy qui a de coustume de peu manger & boire, & à certaines heures déterminées. Pour ceste cause ne cōuient bailler telles dietes de panades aux Francoys, qu'aux Italiens: car il fault condoner & remettre quelque chose à la coustume. Soubs icelle indication se pourroit entendre la conditiō de vie, & exercice du patient: pource qu'il fault remedes plus forts aux rustiques, ou nautonniers, & gens de mōtaigne, qu'il ne faiēt à gens delicatz, & qui peu trauaillent, comme gens oisifz, viuants delicatement, & de petit ou mediocre exercice: mais mieulx vault les reduire soubs l'indication du temperament. L'indication prinse de la vertu du patient, sur toutes les aultres est à preferer: car ou elle default, ou est grādemēt debile, fault delaisser toutes

L'indica
tiō prin
se de la
vertu du
patient.

aul-

aultres choses pour luy suruenir: cōme
quād aduiēt estre necessaire couper ou
extirper vn mēbre, ou faire q̄lques grā
des incisions, ou aultres choses sembla
bles: toutesfoys à cause que le patient
n'a vertu suffisante de tolerer la dou
leur, il est de necessité differer telles cu
res, tāt que nature ait resumé et recou
uert ses vertus par bōs alimēts et repos.

Oultreplus on doit aussi prendre in- Indica-
tiō prin-
se de la
cōstitu-
tion de
l'air am-
bient.
dication de l'air ambient, soubs lequel
sont comprinses la saison de l'année, la
region & aussi le lieu ou lon est situé:
car selon la chaleur, froideur, siccité,
humidité, ou par coniugation d'icelles
fault adapter les remedes.

Et pource disoit le docteur Gui- La cura-
tion des
vlcres
est va-
riée selō
les lieux
don, les vlcres de la teste estre plus
difficiles à guerir à Paris, que en Aui
gnon: & les vlcres des iambes plus dif
ficiles à curer en Auignon qu'à Paris:

LA CVRE DES PLAYES

pour raison, qu'à Paris l'air est plus froid & humide (qui est chose contraire aux vlceres de la teste.) Au contraire, en Auignon la chaleur de l'air ambiant, est cause de liquesfier & subtilier les humeurs: ainsi plus facilement, & en plus grande abundance decoulent aux iābes: & pour ceste cause peuuent estre plus difficiles à guerir en Auignon qu'à Paris. Et si aulcūns dient que l'experience est au contraire, & que les playes de la teste sont le plus souvent lethales & mortelles es regions chaudes: cela ne prouient à raison de l'air, d'autant qu'il est chaud & sec, mais cela peult aduenir à raison de quelque humidité superflue ou mauuaise vapeur à l'air communiquée, cōme es lieux de Prouence, & d'Italie, prochains à la mer mediterrannée.

Aussi doibt on prendre indication
de

de la tēperature & complexion des parties affectées : car aultres remedes requierent les parties carniformes, que les os, ou parties nerueuses, & ainsi des aultres. Et par mesme raison prend on indication, aussi de la sensibilité des parties, laquelle varie la cure, pour ce qu'il ne conuient appliquer medicaments si aigutz & violents es nerfz & tendons, que es syndesmes & aultres parties insensibles.

Indication prin
se de la
tēperature
de la
partie.

La dignité & action des parties, varie aussi la cure : car si la playe est au cerueau, ou en aulcune des parties vitales, ou naturelles, & necessaires à la vie, selon leur dignité & action fault changer & adapter les remedes.

Indication prin
se de l'a
ction &
de digni
té des
parties.

Et par la cōtemplation d'icelles est souuētesfoys faict certain prognostic, pour ce que les playes qui penetrent aux ventricules du cerueau, au cueur,

LACVRE DES PLAYES

aux grands vaisseaux du thorax, en la partie nerueuse du diaphragme, au foye, au ventricule, aux intestins gresles, à la vescie: si elles sont grâdes, sont necessairement mortelles: Aussi celles qui sont es ioinctures ou pres d'icelles, & es corps cacochymes, sont le plus souuent mortelles.

Indicati
on prin-
se de la
position
& figure
du mem-
bre.

Pareillement on ne doibt ignorer la consyderation des indications prises de la positure & colligance de la partie affecte: & mesmement de la figure, comme par Galien est assés expliqué au septiesme de la methode therapeutique, & au second à Glaucon. D'auantage, en prenant lesdictes indications, fault consyderer s'il y a complication, ou nō: car ainsi que maladie simple propose indication simple, aussi complication de disposition contre nature, propose indications cōpliquées, et sont

Cōplica-
tiō de ma-
ladies fai-
cte en
trois ma-
nieres.

fai&es

faictes cōplications entrois manieres;
 c'est à scauoir maladie avec maladie,
 comme playe & aposteme, ou fracture
 d'os: maladie avec cause, cōme vlcere a-
 uec fluxiō: maladie avec symptome, cō-
 me playe avec douleur, ou flux de sãg:
 ou toutes choses cōtre nature ensemble,
 comme maladie, cause, & symptome. Et
 pour scauoir traicter artificielement
 icelles cōplications, on doit suyure la do-
 ctrine de Gal. au 7. de sa meth. laq̃lle
 nous induit cōsyderer es affectiōs cōpli-
 quées la plus vrgente, la cause, et celle
 sans laquelle ne peult estre ostée, qui sōt
 choses de grãde ĩportãce en toute cura-
 tiō: & là ou l'ēpiri q̃ default de cōseil,
 le rationel est dirigé par ces trois petits
 mots dorés, desq̃lz depēd l'ordre & me-
 thode de pceder en icelles dispositiōs.
 Les symptomes, entãt q̃lz sont sympt.
 ne dōnēt aulcũe indicatiō, et ne chãgēt
 l'ordre de curatiō: pour ce qu'en ostant

Nul sym-
 ptome
 ne dōne
 indicatiō
 de cure
 au chirurgien.

LACVRE DES PLAYES

la maladie, qui est cause du symptome: iceluy est osté: car il depend d'icelle, cōme l'ombre du corps: combien que souvent sommes contrainctz delaisser la maladie en cure irreguliere, pour suruenir aux accidents de la maladie, lesquels s'ilz sont vrgents, tienēnt le lieu de la cause, & non propremēt des symptomes.

Conclu
sion des
indica-
tiōs sus-
dictes.

Conclusion, toutes les susdictes indications ne sont que pour venir à deux fins: c'est à scauoir, rendre la partie à sa temperature naturelle, & que le sang ne peche en quantité, n'y en qualité: cela faiēt comme dict Gal. au troiſiesme de sa methode, rien n'empesche ra, q̄la regeneration de chair, & vni- tion de l'ulcere, ne soit faiēte: mais au cunesfoys n'est possible mettre lesdi- ctes indications à execution, à cause de la grandeur de la playe, ou par ex-

ces & inobeissance du patient, ou à raison de quelques aultres dispositiōs suruenues par l'ignorance du Chirurgiē, ou mauuaises & indeues applicatiōs des medicaments: Car pour cesdictes choses suruiennent grandes douleurs, fiebres, apostemes, gangrenes, vulgairement dictes, estiomenes, mortifications, & souuētesfoys la mort: parquoy au commencement fault bien auoir esgard à seder la douleur en repercutāt les fluxions, ordonnant regime sur les Diete. six choses non naturelles, & leur annexes, euitant choses calefactiues & aigues, ostant ou diminuant le vin, de paour qu'il ne eschauffe, & subtilie, et face fluer les humeurs. Et sera bon au commencement, s'il y a flux de sang, en laisser mediocrement fluer, affin de descharger le corps, & la partie: & là ou il n'auroit suffisamment flué, est vti

LA CVRE DES PLAYES

La phle-
boto-
mie re-
uulsue
est neces-
saire au-
commā-
cement
des play-
es faictes
par hac-
quebu-
tes.

le, faire le iour sequent phlebotomie re-
uulsue, & en tirer selon la plenitude
& vertu du patient, & ne fault crain-
dre faire auersion du sang vers les par-
ties nobles: Car comme il est predict, il
n'y a aucune qualite veneneuse. Et
quant aux medecines purgatiues, ie les
layse à messieurs les docteurs en me-
dicine: toutesfoys en l'absence d'iceulx,
il est necessaire de lubrifier et mouuoir
le ventre du patient, pour le moins vne
fois le iour, soit de nature, ou par art.

Le moy-
en de se-
der la
douleur
et empes-
cher l'in-
flamma-
tion.

La cure de douleur sera distinguee
selon l'intension, remissio, & cause d'i-
celle: comme s'il y a inflammation, est
vtile pour remede local, vnguētum nu-
tritum compose avec ius de plantain,
iobarde, morelle, et leurs semblables.

Vnguēt
diachalci-
teos li-
quesié
avec li-
queurs
refrige-
rantes est

Aussi a grand efficace vnguentum
diachalciteos liquefié avec huile de pa-
not, de roses, & vin aigre. Semblable-

ment

mēt vngu. de bolo, et aultres de telle fa^{vtile}
 culté: lesq̃lz medicamēts ne sont appre-^{pour o-}
 mēt anodis: car tous anodis sōt chaulds ^{ster les}
 au premier degré, ou temperément ^{inflam-}
 chaulds: ce que ne sont les susdictz me ^{mations.}
 dicamēts qui sont froids, nō tāt qu'ilz ^{Faculté}
 soient narcotiques: lesquelz sont froids ^{des medi}
 enuiron le quatriesme degré. ce néant- ^{caments}
 moins les susdictz mentionés, au cas ^{anodins}
 predict appaisent douleur trescommo ^{propres.}
 dément: pource qu'ilz contrarient aux
 intemperatures chauldes, & fluxion
 d'humours souuent acres & bilieuses,
 lesquelles plus tost fluent que les froi-
 des, & causent douleur. Et apres l'u-
 sage des repercuſsifz, i'appreue mer-
 ueilleusement tel cataplasme.

Re. micæ panis infusæ in lacte vacci- ^{Catapla}
 no & vnam semis, olei viol. & rosa. ana ^{sme ano}
 ʒ iij. vitellos ouorum iij. rosa. rub. flo- ^{din.}
 rum cham. & melil. puluerizatorum,

ana

LA CVRE DES PLAYES

ana 3 duas, farinae fabarum, & hordei
ana 3 vnã, croci 3 vnã, misce: fiat cata-
plasma secundum artem.

Pour la curatiõ des apostemes, fault
aussi diuersifier les medicaments: selon
les temps d'iceulx: car aultres medica-
ments appartiennent au commence-
ment, que à l'accroissement: & ainsi des
aultres, comme assés est declairé en la
curation des apostemes. Aussi selon les
humeurs confluentes qui causeront icel-
les, & la diuersité des parties, obser-
uant l'ordre, la cause & l'urgent, com-
me a esté predict es complications. Et

là ou nature tendroit à suppuration,
fauldroit suyure icelle: car comme dict
Hipp. le medecin & chirurgien ne sont
que ministres, & adiuteurs de nature,
à luy aider en ce, ou elle tend commo-
dément.

Quò na
tura ver
git eò du
cere o-
porter.
Hippo.
aph. 2.1.

Aultres plus griez accidents sur-
uien-

niennent, comme i'ay predict, à cause de la grande dilaceration & ruption des parties nerueuses, & fractures d'os: comme spasme, paralysie, gangrenes, sphaceles, ou mortifications, & aultres: ainsy que i'ay veu à plusieurs: desquelz souffrira en faire mention d'un, pour exemple, lequel ie vy estant à Turin au seruice de monseigneur le Marechal de Montelbean, là mil cinq cens trente huit.

Vng souldart auoit esté bleffé d'un Histoire coup de hacquebute au bras senestre, pres le carpe: & auoit la ballotte dilaceré, & rompu plusieurs os & tendons, & aultres parties nerueuses: parquoy sensuyuit gangrene, estiomene, & mortification, iusques à la iointure du coulde, & depuis ledict coulde, iusques à l'espaule y auoit gangrene: aussi grande tumeur & inflammation, à la

LA CVRE DES PLAYES

à la moytié du thorax, & ia notable
 preparation de gangrene. Semblable-
 ment auoit grands routz, desquelz la
 cause p̄cipale estoiet les vapeurs pour-
 ris, & esleués de la mortification, qui
 ainsi se communiquoient aux parties
 nobles, par le moyen des veines & ar-
 teres. Or fut lediēt souldart delaisé de
 plusieurs Chirurgiens: parquoy ie fuz
 appellé, & voyant grande noirceur,
 feteur, froideur, (pour l'extinction de
 la chaleur naturelle) grande mollesse,
 en laquelle quand estoit comprimée,
 demouroit cavitée sans se releuer, & se-
 paration du cuir d'auec la chair soub-
 iacête: aussi priuatiō du mouuemēt &
 sentiment, qui sont les vrays signes d'e-
 stiomenes & mortifications: donc voy-
 ant telz signes, & stimulé de quel-
 qu'un de ses amys, meū de pitié, i'osay,
 suyuant le commādemēt de nostre art,
 luy extirper le bras par la ioincture du

Les si-
 gnes de
 mortifi-
 cation.

coulde: mais au parauāt l'oeuvre, luy feis
 ligature au dessus du coulde assés estr oi
 tement serrée, tāt pour euitier l'emorrha
 gie, q̄ pour luy hebeter et empescher le
 sentimēt pēdāt l'opatiō: ce nō obstāt y
 suruint grād hemorrhagie, à cause des
 grāds vayssseaulx qui sont en icelle par
 tie: et nō obstāt laissay suffisāmēt fluer
 le s̄g pour mieulx descharger et alle
 ger la partie, & seicher la gāgrene, ia
 tēdāt à sphacelus et mortification, puis
 i'arretay le sang avec cauterēs actū
 elz: & ainsi i'amputay ledict bras sans
 sie, pource q̄ la mortificatiō n'estoit oul
 tre la ioincture. Ce faict desliay la liga
 ture, faisant sur la gāgrene trois grā
 des & profondes incisions, euitant la
 partie interne du bras, à cause des
 vayssseaulx, & grande multitude de
 nerfz qui y sont: & derechef cauteri
 say lesdictes icisiōs, tāt pour arrester le
 s̄g q̄ pour roborer la partie, pour raisō

Raison
 de liga
 ture fai
 cte de
 uāt l'ex
 tirpatiō
 du mēbre

L'utilité
 des caute
 res es gā
 grenes. 4

LA CVRE DES PLAYES

de la grande desiccation, consumption,
& viuification que font lesdicts cau-
teres en telles dispositions. Puis i'ap-
plicquay grande quantité de refrena-
tifz, & repercuſſifz sur l'inflammatio
du thorax: & aussi sur la gangrene,
pour oster l'ardeur & qualité du feu
delaisſée par les cauterres, comme ce-
stuy.

Re.boliarmeni subtiliter pulueri. ℞
vnā, terræ sigillatæ ʒ iiij, albumina o-
uorum decem, olei rosati ʒ sex, aceti
ʒ iiij. aquæ plantaginis & solani, ana
ʒ iij. incorporētur omnia simul, fiat lini-
mentum.

Toutes choses vnctueu-
ses sont ineptes
aux grandes infla-
mations. Aulcũs vsent d'huiles seules aux infla-
mations: ce que n'approuue, pour ce que
promptement s'enflamment, au moyen
de leur substance oleigineuse. Et tost a-
pres pour conforter le patient, tant
pour la resolutiõ des esprits, que pour
les

les vapeurs infectes qui estoient communiquées aux parties nobles par les veines & arteres du lieu gangrené. Je luy donnay à boire vne drachme de theriach dissoult en eue de fleurs de buglosse, & borraiche. Ce que ie continuay par aulcūns iours, en luy faisant vser de syrops cordialz, cōme rosat, de buglosse: & par foys conserue de roses: & sur le coeur luy applicquay tel epitheme.

Re. aquæ buglossi, rosarum, nenu-
phar. ana ꝓ iiij. aceti scyllitici ꝓ vnam,
mithridatij, theriacæ, ana ꝓ iiij. trochi-
scorum de camphora ꝓ vnā, florum cor-
dialiū, puluerizatorū ana. ꝓ. ij. croci
ꝓ vnū, dissoluantur omnia simul, fiat
epithema. Et souuent estoit applicqué
tiede, avec vne esponge neufue, & ain-
si continuay lesdictes choses, iusques à
tant qu'il n'auoit aucuns routements.

Epithe-
me cor-
dial.

LA CVRE DES PLAYES

Et pour faire cheoir les eschares, j'ay ap-
plicquay tel digestif.

Re. olei rosati, butyri recentis & sine
sale, ana 3 iij. vitellos ouorum iij. the-
riacæ Gal. 3 ij. croci 3 semis, incorporē-
tur simul: & en vsay tant que lesdictes
eschares furent cheutes. Et sur la par-
tie gangrenée, cestuy cataplasme & nō
medicamēts repercuſsifz, pource qu'ilz
opilent & esteignent la chaleur natu-
relle de la partie gangrenée.

Re. farina fabarum, orobi, hordei, fa-
nigr. ana 1b semis, salis communis 3 iij.
mellis communis 1b semis, florū chamo-
milæ, aneth. & melilo. ana. m. semis, a-
quæ vitæ 1b semis: incorporētur omnia
simul, & bulliant parum cum oxymel.

Catapla-
sme con-
tre les
gangre-
nes bien
approu-
ués.
scyllitic. quantum sufficit, fiat catapla-
sma vt decet. J'ay trouué ledict catapla-
sme de grande & merueilleuse effica-
ce: & non sans raison, pource qu'il est
ape-

aperitif, & incisif, à cause de l'oxymel,
 & desiccatif, pour les farines & sel,
 resolutif, pour les fleurs, roboratif de
 la chaleur naturelle, pour l'eau de vie,
 & deterfisif, pour le miel.

Vn aultre de semblable vertu.

Re. farinae fœnigr. faba. orobi & lupi- Aultre
 norũ ana ʒ v. succi absinth. salvia ana ʒ catapla-
 iij. salis cõm. ʒ iij. olei anethi & cham. sme.
 ana ʒ iij. semis, terebith. ʒ sex, & cũ suf-
 ficiẽti quãt. lixiũ tõsoris, ad ignẽ lẽtũ
 fiat catapl. in fine adde aqua vitæ ʒ iij.

Après les eschares cheutes n'auoit
 grand sentiment à la chair: parquoy
 vsay d'ablutions faictes en telle ma-
 niere.

Re. lixiũ clari, aceti ana ʒ vnã, aqua Ablutiõ
 vitæ ʒ semis, salis communis ʒ iij. aegy- desicca-
 ptiaci ʒ sex, bulliant omnia simul. tione.

Puis applicquois sus les plumaceaux
 de l'unguent qui sensuit.

Dij Re.

LA CVRE DES PLAYES

Vnguet
cathere-
tique.

Re. mellis rosati 3 quatuor, aluminis ro-
cha 3 tres, floris aris 3 ij. salis gemma
3 vnã, sublimati 3 vnã, aceti rosati 3 sex
bulliant omnia simul vsque ad spissitu-
dinem mellis, fiat vnguentum. Et apres
que les eschares estoient separées, ie de-
tergeoie, & mundifioie avec tel mun-
dificatif.

Mondifi-
catif fort
vtile.

Re. therebenth. lotæ in aqua vitæ 3 sex
mellis rosati colati 3 tres, succi plan-
taginis, apij, centaurij minoris ana-
duas: bulliāt omnia simul vsque ad cō-
sumptionem succorum, auferantur de
igne, addendo farinae hordei & faba-
rum ana 3 vnã, theriacæ 3 semis, aloës,
myrrhæ, aristolochiæ, ana 3 tres, croci
3 vnũ, fiat mundificatiuum. Puis incar-
nay avec tel sarcotic.

Sarcotic
bien ex-
quis.

Re. therebenth. venet. lotæ in aqua
hordei 3 quatuor, mellis rosati 3 duas,
farinae hordei 3 vnã semis, thuris, my-
rrhæ,

rhæ, aloës, ireos, ana 3 vnã: incorporẽ-
tur omnia simul, & fiat sarcoticum.

Et fault augmẽter ou diminuer la sic-
citẽ, selon la quantitiẽ & qualitiẽ de la
sanie. Je ne puis obmettre racompter,
(pour s'en donner garde) que quinze
iours apres suruint au patient vn spa-
sme, ce que i'auoye au parauãt progno-
stiqué, à cause du froid, & qu'il estoit
mal couché en vn grenier, là ou nõ seu-
lement auoit peu de couuerture, mais
aussi estoit exposé à tous vents, sans
feu, par default des choses necessaires
à la vie humaine: Et le voyant en tel
spasme & retraction des membres, du
col, les dentz serrées, les leures et tou-
te la face torte & retirée, comme s'il
eust voulu rire du ris sardonie, qui
sont signes manifestes de conuulsion.

Signes
de con-
uulsion.

Adonc esmeu de pitié, & desyrant
faire le deu de mon art, ne pouuant aul-

LA CVRE DES PLAYES

tre chose pour lors: le feis mettre en
yne estable, en laquelle estoit grand n^o
bre de bestial, & grand fumier: ce que
voyant, ie trouuay moyẽ d'auoir quel-
que petit de feu, deuãt lequel luy frot-
tay tresbiẽ (auec le linimẽt qui sensuit)
toute la nuque du col, bras & iambes,
evitant les parties pectorales.

Remede
tressin-
gulier
contre
spasme.

Re. olei prædicti ex decoctio. catellor^u
z sex, olei cham. anethi, lilio. & de eu-
phorbio ana z ij. vnguẽti, dialth. z iij.
aquæ vitæ z ij. semis: liquefiant omnia
simul, fiat linimentum.

Vnguẽt
bien ap-
prouuẽ
cõtre
toutes
affectiõs
des par-
ties ner-
ueuses
procedẽ
tes de
causes
froides.

En pareil cas on pourroit vser de ce-
luy qui sensuit, lequel est de tresgrande
efficace cõtre spasme, paralysie, stupor
& contorsions, distentions, & aultres
affectiõs, pricipalemẽt des parties ner-
ueuses prouenant de causes froides.
Re. saluiæ, chamepiteos, maioranæ, ro-
ris marini, menthæ, rutæ, lauandula.

ana. m. vñũ, florum cham. meliloti, anethi, et hyperici ana. p. duos. baccarũ lauri & iuniperi ana 3 duas. radic. piri 3 duas, mastich. assæ odoratæ ana 3 vnã semis, terebinth. claræ 1b vnã, olei lumbricorum & anethi ana 3 octo, olei terebinth 3 quatuor, croci 3 vnã, vini albi odoriferi 1b duas, ceræ quod suffi. terenda, terentur, & pistanda, pistentur: deinde macerentur omnia in vino per noctem, postea coquãtur cum oleo in vase dupl. fiat linim. vel vng. secundũ artẽ in fine, adde aquæ vitæ 3 tres.

Puis inuoluay le patient en vn drap chauld, le situant audict fumier, l'ayãt premieremẽt garni & couuert de paille blãche, & couuert tresbiẽ dudiẽt fumier, auquel il demoura trois iours & trois nuiẽts, et la dedãs luy surueint vn petit flux de vẽtre, et vne grosse sueur. & ce pendant qu'il ne pouuoit ouurir

LA CVRE DES PLAYES

la bouche, le nourrissoye de laiēt venant de la vache, & par intervalles de sorbitions: par ce moyen fut guery du spasme. Consequemment, ie suyui la cure du bras, en luy applicquant souuent cauterres actuelz à l'extremité descouuerte de l'adiutoire, pour tousiours consumer & seicher les humidités estranges. Et est à noter que le patient auoit grande delectatiō, lors que les cauterres y estoient applicqués, pour ce qu'il disoit sentir vn prurit tout au long de l'adiutoire, pour la chaleur communiquée par le moyen des cauterres. (Ce que souuentesfoys auois veu faire, & faiēt à l'hostel dieu de Paris, en cas semblables.) ainsi tomba assés bonne partie de l'extremité d'iceluy os adiutoire, tant à cause de l'air exterior, que par l'applicquation des cauterres. Pareillement ie fomentoys souuēt rou

Obserua
tion sur
les caute
res,

Fomēta
tion.

te la partie affectée, pour tousiours la
 deseicher & roborer, avec vin austere,
 auquel faisois boullir roses, absinthe,
 fleurs de chamomile, aneth, en vsant
 des medicaments predictz: ainsi fut
 guerile paoure souldart. Et pour ren-
 trer à nostre propos, aulcunesfois les
 ballottes faictes de plomb peuuent de-
 mourer dedans les membres long tēps
 sans y suruenir aulcun mauuais acci-
 dent, ny empeschement de consolider la
 playe. Ce que i'ay veu souuent adue-
 nir, puis par longue espace de temps, cō-
 me deux ou trois ans, ou plus: icelles
 ballottes estoient expellées par la ver-
 tu expultrice, & descendoient pour
 leur gravité, & pesanteur en aultres
 parties inferieures, ausquelles elles se
 manifestoint, puis estoient tirées hors
 par l'operation du Chirurgien: laquel
 le si longue demeure d'icelle ballotte

Les bal-
 lottes
 peuuent
 souuent
 demeu-
 rer au
 corps
 lōg tēps
 sans le-
 sion.

LA CVRE DES PLAYES

Faculté
du plôb.

au corps sans pourriture, ny mauuais
 accident : l'estime que cela prouient à
 cause de la matiere d'ot elle est faicte,
 qui est plomb, lequel a certaine fami-
 liarité avec nature, principalement
 aux parties carneuses, ce que nous est
 manifeste par experience : car applic-
 qué par dehors a vertu de sigiller, &
 cicatrifer les vieilles vlceres. Et si la-
 dicte ballotte estoit de fer, ne pourroit
 demeurer long temps, au moyen que le
 fer se rouille, & faict acrimonie à la
 partie, qui est cause d'induire pernici-
 eux accidents : mais si ledict boulet e-
 stoit en quelque partie nerueuse, &
 fust il de plomb, ne pourroit guere y
 demeurer sans causer de bien grands
 accidents : parquoy s'il aduient qu'il y
 demeure long temps, ce sera aux par-
 ties carniformes, et es corps qui seront
 de bien bonne temperature, & habitu-
 de:

de: aultrement non, qui ne soit cause de
induire douleur, & plusieurs aultres
griefz symptomes. Oultreplus, si vne La vehe
grosse piece d'artillerie frappe contre mée du
aucun membre, souvent l'emporte, ou boulet
du tout le brise & contere, en telle sor agist
te, que le boulet par sa grand vehemē plus con
ce, quasse, & rompt les os, non seule tres les
ment ou il touche, mais beaucoup plus os, que
loing. la raison est pour ce que l'os qui aux par
est dur, faiēt resistance: par ainsi la bal ties car
lotte le force d'auātage. Qui soit vray nifor-
nous le voyons par experiēce, car l'ar mes.
tillerie faiēt plus d'action contre vne
muraille, qu'elle ne faiēt contre vn ga
bion remply de terre, ou vne bal
le de laine, ou aultres
choses molles.

La

LA METHODE ET MANIERE de curer les playes faictes par fleches, traictz d'arbaleste, dardz, & aultres semblables.

Differé-
ce des
playes
faictes
par fle-
ches &
bastons
à feu.



Les playes qui sont faictes par fleches, traictz d'arbaleste, ou aultres bastons semblables, differēt en deux choses de celles qui sont faictes par hacquebutes: car aulcunesfoys sont trouuées sans contusion, ce que iamais n'aduiant aux playes faictes par bastons à feu: Souuent aussi sont veneneuses. Et selon ces deux differences, fault diuersifier la cure. Et pourtant au cōmancement, & des le premier appareil fault oster les choses estranges, si aulcunes en ya, cōme fers de fleches, boys, & aultres choses, ainsi qu'il a esté pre-
dict des playes faictes par bastons à
feu.

FAICTES PAR FLECHES. 31

feu. Et pour mieulx ce faire, fault si-
tuer le patient en la figure qu'il estoit
lors qu'il fut blessé, pour les raisons sus-
dictes. Et doibuent estre ostées par telz
instruments, comme cestuy, lequel ha-
vne canulle fendue, en laquelle s'insere
dedans vne verge semblable à celle du
tirefond de hacquebute, reste qu'elle
n'est faicte à viz en son extremité: aussi
est plus grosse, affin de faire dilater la
canulle pour remplir la cavité du fer
à fleches, & le extraire hors, tant des
parties carniformes que osseuses, pour
veu que le boys ne soit rompu, & de-
meuré audict fer.

Instrument pour extraire fers
de fleches.



Diver-


LA CVRE DES PLAYES



Canule.



Verge.



Differences de fleches & de traiçtz.







Diuerfité de fers à fleches.



Et si le cas est tel que le fust soit rompu, en sorte qu'on ne le puisse prendre avec ledict instrument, soit tiré hors avec le bec de grue, ou bec de corbin, cy apres figurés.

Mais

LA CVRE DES PLAYES




Mais si le fust est rompu si pres du fer,
qu'on ne peust auoir prinse audiect fer,
ny au fust avec le bec de grue, alors
fauldroit l'extraire avec le tirefond
de hacquebute: car s'il s'insere dedans
le plomb, à plus forte raison s'insérera
dedans le boys: & si le fer estoit barbe
lé, ainsi que souuent sont ceulx des An
gloys, lors s'il est possible, les conuient
poulsier oultre la partie: car par ce
moyen

moyen lon euitera plus grand d'agier, Moyen de tirer les fleches hors du corps.
 pource qu'en le retirant, les barbillons
 pourroient dilacerer tant nerfs que
 veines, arteres, & aultres choses. Par-
 quoy est le meilleur faire vne contre-
 ouuerture de l'autre part, à l'endroit du
 fer, & le tirer ou poulser dehors, sup-
 posé qu'il y eust petite espaisseur à insi-
 ster. Car ou ledict fer ayant barbillons
 seroit à l'endroit d'un os, ou inseré de-
 dans, ce que souuent aduiët, ou au pro-
 fond des muscles de la cuysse, bras, ou
 iambes, ou aultres parties: lors ne le
 conuient poulser, mais fault dilater la
 playe, en euitant les nerfs, & grands
 vaysseaux, ainsi que faict le bon & pe-
 rit Chirurgien anatomic. Et aussi fault
 deuement appliquer vn dilatatoire,
 lequel soit caue en sa partie interne, &
 faire de sorte que lon puisse prendre les
 deux ailles du fer, puis avec le bec de

LACVRE DES PLAYES

grue le tenir ferme, & tirer les trois ensemble comme cestuy.



Et apres l'extraction & premier ap-
pareil, si la playe est simple, soit trai-
ctée comme simple: mais là ou'il y aura
complication, fault suyure la cure selõ
que les dispositions serõt compliquées.
Et pour appaiser douleur, est vtile ap-
plicquer oleũ catellorũ de nostre descri-
ptiõ: et fault aux aultres accidẽts surue-
nir, selon la nature et exigẽce d'iceulx:
ce qu'õ peult trouuer en Guidõ au trai-
cté des playes: & par toute la metho-
de Gal. & aussi comme il a esté par cy

deuant dict des playes faictes par bac-
quebutes, pource qu'elles sont quasi
semblables. Reste d'entendre & consi-
derer, que icelles playes sont quelque
foys enuenimées, qui prouient au moyē
de la cause primitive ainsi preparée
par l'ēnemy: Ce que lon peut congnoi-
stre, tant par le recit du patient, disant
sentir grande & pungitiue douleur,
ainsi que s'il eust esté mord de mousches
à miel, (principalement aux venins
chaulds, desquelz on vse plus souuent
en tel cas) aussi que pour la tumeur,
noyrceur, liuidité, & aultres plus
griefz, & plus grands accidents,
qu'il n'aduient aux aultres playes,
qui ne sont veneneuses. Parquoy du
commancement, apres auoir tiré les
choses estrāges (s'iaulcunes en ya) fault
faire scarifications assés profondes,
enuiron la playe, y applicquant

Les si-
gnes des
playes
faictes
par fle-
ches ve-
neneu-
ses.

Moyen
d'extrai-
re le ve-
nin hors
des play-
es.

LA CVRE DES PLAYES

ventouses, & faisant vacuatiō de sang
assés copieuse pour attirer hors le ve-
nin: puis lauer la playe cum decoctio-
ne radicū, tormentillæ, verbasçi (vul-
gō tapsi barbati) facta in vino albo, ou
aultres semblables remedes. Puis fault
appliquer dedans la playe, & aux
parties circunnuoyssines, theriac, ou me-
thridat.

Remede
contre
toutē
poison.

Pareillement luy en debues donner à
boyre vne drachme & demye, dissoult
en vin blanc, ou en eaues cordiales, le
plustost que faire se pourra, en luy ap-
plicquant sur la region du coeur epi-
thime semblable à celuy, qui auoit la
gangrene, dont par cy deuant a esté
escript.

Diete
cōtre ve-
nins.

Quant à l'ordonnance de son regime,
vn chascun rationel ne fauldra le luy
prescrire & ordonner; selon les six
choses non naturelles, contrariant au

venin: comme s'il est chauld, fault tendre à refroidir: & s'il est froid, au contraire. Et si c'est venin par propriété spécifique, luy fault ordonner choses tempérées, & qui ayent contrariété occulte à iceluy venin.

Les signes pour congnoistre que le venin est chauld, sont grande rougeur, ardeur, & douleur pungitiue en la partie, avec tumeur, & couleur liuide.

Signes
des ve-
nins
chauds.

Les signes des froids, sont stupeur, ou endormissement, froideur, & inflation molle à la partie blessée, lesquelz souvent font prognostic. de mort, quand y aduient sueur froide, grande refrigeration des extremités, spasme, & de faillance d'animosité, la couleur se changeant en verdeur, noirceur, & liuidité. Et si telz signes apparoissent, ilz denotent la mort estre prochaine.

Signes
des ve-
nins
froids.

Les venins chauds sont cause de mort,

Les ef-
fects des
venins.

LA CVRE DES PLAYES

à raison qu'ilz dissipent la chaleur naturelle, & enflamment la masse sanguinaire, en introduisant chaleur estrange au coeur, & resoluant les espritz vitaulx.

Les froids, à raison qu'ilz congelent la masse sanguinaire, & stupefient les espritz. Les aultres qui par propriété occulte, pource qu'ilz sont totalement cōtraire à la nature humaine: lesquelz applicqués, en tant petite quantité que lō pourroit, encores nuisent ilz: et pour ceste cause iamaïs Galie ne les permet mesler avec les alexiteres & adiutoi-

Caute-
res actu-
elz cōtre
venins.

res des venins. Les cauterres actuelz applicqués au commencement, ont grand efficace cōtre telz venins, pource qu'ilz dissipent, absument, deseichent: & obtundent la malice d'iceulx venins, & si lesdicts cauterres estoient d'or, l'opération seroit plus exquise. Apres l'application desquelz il fault pretendre à la

cheute de l'eschare, et suyure la cure cō
me il a esté dict au traicté des playes
faictes par hacquebutes, ou lon pour-
ra auoir recours.

La methode curatiue des fractures
faictes par fleches ou bastons à feu.

Onsyderé que souuent aduiēt,
C tant pour la grande violēce des
boulletz et ballottes des hacq̃-

butes, que des traictz, principalement
des gros garots d'arbaleste, que les os
sont rompus & fracturés: ie n'ay vou-
lu obmettre en traicter, selō ce que i'en
ay veu par experiēce. Et pource q̃ lesd.

fractures aduiēnt souuēt de long, aul-
cunesfoys de trauers, q̃lq̃foys obliques,
les vnes incōpletes, les aultres comple-
tes: les vnes avec pties esgales, les aul-
tres dētclées, ineguales, & esquilleu-
ses: Il fault, cōme i'ay prescript, cōsyde-
rer la partie, en laquelle est la fractu-
re, pource que aucunesfoys aduient

Differē-
ces des
fractu-
res.

LACVRE DES PLAYES

à la teste, quelque fois aux costes, ou à l'os de l'adiutoire, ou à l'os femoris: aussi à l'un, ou à deux fociles: pareillemēt es ioinctures: parquoy selon icelles differences & indicatiōs prinſes des parties, fault diuersifier la cure.

Signes
de fra-
cture.

Les signes des fractures sont plusieurs, entre lesquels le premier & plus euidēt est, quād en traictant des mains la partie bleſſée, lon y treuue les parties de l'os diuiſées, en y ſentant trepidation, & attrition des parties fracturées. Semblablement, par l'impotēce & figure du membre variée & changée: principalemēt, si la fracture est en l'os adiutoire, ou au grād focile, & nō au petit: pource q̄ ce n'est celuy qui ſoutient le faiz. Aussi fault entendre, que les fractures en telles parties, comme l'os adiutoire, ou femoris, sont plus difficiles à curer, q̄ celles qui sont en l'un

des:

des fociles: car elles sont plus difficiles
à tenir vnies, qu'en l'ũ desdicts fociles.

Qultreplus fault consyderer l'aage, car les fractures faictes es ieunes, sont trop plus faciles à curer, qu'elles ne sont es vieux: pource qu'il n'y a tant d'humidité substantifique aux vieux qu'aux ieunes: combien qu'on peult arguer, que les vieux ont plus d'humidité: à quoy i'ay satisfaiçt, disant l'humidité substantifique, & naturelle, à la difference de celle des vieux, laquelle n'est telle, mais superflue & excrementuse. Parquoy est moins apte & propre pour faire la generatiõ du callus.

Le commencement de la cure doit estre cõme i'ay dict: ostãt premieremẽt sans violẽce les esquilles totalemẽt separées des deux parties fracturées: (car s'elles adheroieẽt avec vne d'icelles, n'auroieẽt besoing d'estre ostées, & se

La cure
des fra-
ctures
n'est
touf-
iours
sembla-
ble.

La mani-
ere de
guérir
les fra-
ctures.

LA CVRE DES PLAYES

se pourroient agglutiner par la vertu nutritiue de l'os. Puis fault esgualer et reduire l'os en sa situation, le tenant en bonne figure avec bendes & compresses, esclacs, astelles faictes de boys, plomb, fer blanc, cuir conroyé, gros papper de chartes, ou escorce d'arbres: & selon la diuersité des fractures & membres, fault diuersifier les bendes, compresses, astelles, & aultres remedes, lesquelz seront escriptz cy apres. Et fault que icelles compresses & bandes soient baignées en oxycrat, ou gros vin, mediocrement austere, ou en aultres liqueurs semblables: & qu'elles soient souuent esfoys humectées, principalement en esté, & de nuict. par ce moyen on roborera la partie, & ostera l'on la cause d'inflammation: & si la fracture est à la iambe, à l'un, ou aux deux fociles, est necessaire tenir la iambe

FAICTES PAR FLECHES. 38

be droiçte avec torches de paille , au milieu desquelles, pour plus fermement tenir , lon mettra vne verge de boys, les reuoluant d'un drap: & au commencement fault peu estraindre la partie, en laissant vne fenestre à l'endroit de la playe , pour la medicamenter sans la deslier, comme il appert par la figure subsequente.



Et si c'est au bras, soit traicté & sous tenu avec lame de plomb concaue , ou gros papyer de chartes: ainsi qu'il a esté cy deuant declairé, & comme pourras entendre par ceste figure.

Incon

LA CVRE DES PLAYES



Causes
des acci-
dents da-
gereux.

Incontinent apres, & sur toutes cho-
ses fault tenir le membre en repos, &
ordonner diete assés tenue pour le cō-
mancemēt, & saignée, purgation, prin-
cipalement en l'absence du medecin
ce requis. Car lors le chirurgien doit
consyderer de cacochymie, ou plenu-
de, qui sont le plus souuent causes ge-
nerales des accidents perilleux, aus-
quelz pour mieulx obuier, fault appli-
quer es parties voysines de la playe,
remedes repercußifz & emplastic-
ques, affin de plus facilement probi-
ber douleur, fluxion, & inflammatio.
Et si d'auenture y auoit grande hæ-
morrhagie, seroit necessaire l'arrester,
puis digerer, mundifier, & incerner

la playe: soy gardant diligẽment d'ap-
 pliquer aucunes choses vñctueuses sus
 los fracturé & denué: mais seulement
 pouldres desiccatiues, comme ireos, pa-
 naxis, capparis, aristolochiæ rotundæ,
 mastichis, myrrhæ, et leurs semblables.
 Et s'il suruenoit prurit en la partie, il
 conuient faire ablution avec oxycrat,
 auquel on aura fait boullir sel & a-
 lun, puis soit applicqué vnguentum po-
 puleum, vel nutritum, ou aultre de tel-
 le faculté. Et lors qu'on congnoistra les
 accidents estre passés, & qu'il se fera
 regeneration de chair en l'ulcere, puis
 que le medecin & Chirurgien ne sont
 que ministres de nature, fault qu'ilz
 tendent luy ayder à faire l'exiccation
 du callus. Ce qu'ilz ne peuuent mieulx
 faire, que par le regime du patient, luy
 donnant viandes nutritiues, & de suc
 visqueux, comme extremités de bestes,

Pouldre
 desiccati
 ue pour
 les os.

Diete
 pour en
 gendrer
 callus.

LA CVRE DES PLAYES

trumeaux de bœuf, & gigoteaux de veau cuiēt avecris & horge, ou semblables: bō pain de pur fromēt, ou de segle, selon la coustume & le pays. Pour son boire, vin assés gros, & à aucuns de la biere, pourueu qu'ilz ne soient point subiectz à obstructiōs, ausquelles fault bien auoir esgard: car tāt s'en fault, que l'aliment visqueux (lequel de soy est opilatif) ayde à la generatiō du callus: que plus tost il l'empesche, s'il n'est promptement distribué, & porté facilement par les conduiēt. Ainsi me semble que le suc d'horge, est assés conuenable en ce cas: car avec viscosité a vne vertu deterfiue, par laquelle facilement est distribué. Or cōbien qu'il appartient au medecin philosopher ces choses, i'ay osé en cest endroit, en escripre quelque petit de mon aduis: par tant que raison veult, que

cha-

chascun ouurier ayt congnoissance de son intention: parquoy me semble chose inepte, qu'un chirurgien tende à la generation du callus, s'il ne scait par quelle fin & comment. Il vient des aliments premierement receus en l'estomach, auquel sont preparés, puis éuoyés es intestins, desquelz sont attirés es veines meseraïques: & d'icelles à la veine porte, & d'elle au foye: puis à la grand veine caue, & dela es veines qui sont disséminées en la chair: de laquelle se fait vne resudation es os: de quoy est faite vne chose moyenne entre la chair & l'os, nommé souldé, faite par la vertu nutritiue, tenant le lieu de la vertu formatrice: laquelle matiere comme Galien recite au sixiesme de sa methode, est necessaire pour engendrer le callus:

Discours
des ali-
ments re-
ceuz en
nostre
corps.

Nature
& gene-
ratiō du
callus.

car

LA CVRE DES PLAYES

car par la vertu nutritive & formatrice, se concrée & engendre vne matiere crasse & terrestre, superflue de l'aliment, enuoyée aux os, & telle substance redundante du propre nutriment des os, est la vraye matiere du callus: laquelle se commence le douziesme, ou quinsiesme, ou vingtiesme iour de la fracture, selon les practiciens, qui de celle matiere ont traicté. Combien que du temps, ne se peult dōner reigle certaine, à cause de la varieté des temperaments: aussi pour ce que les choses qui empeschent la generation du callus, en aucuns plus tost sont ostées, & es aultres plus tard.

Le signe
de la ge-
neration
du cal-
lus.

Le signe, par lequel on congnoist manifestement, que le callus se forme, est qu'on voit sortir par les pores de la partie affectée quelque sueur sangui-
nolente, laquelle tainct, & ensanglan-
tit

tit aucunement les compresses, & bādes. Et ce, pource que le callus amassé en ce lieu, faiēt sortir hors par les pores, quelque rosée sanguinolente, par maniere de resudation.

Après auoir ainsi entendu, que la generation du callus se doit faire, lors si on ne voit aucun indice d'iceluy callus, fault consyderer si l'empeschement prouient par ce, que l'os n'est en sa temperature, ou situation naturelle: ce qui aduient souuentefois par auoir esté mal conserué en sa reduction, ou qu'il a receu quelque disposition semblable à l'inflātion de la chair: comme mesme Galien a noté au sixiesme de la methode: car si inflammation ou mauuaise temperature, empesche regeneratiō, ou conglutination en partie carneuse, par pareille raison pourra estre empeschée en l'os generation de callus,

LA CVRE DES PLAYES

Remede-
des topi-
ques ay-
dant à la
genera-
tion du
callus.

parquoy fauldra, si d'icelle intempera-
ture on a quelque indice, la corriger
par son contraire: puis venir ayder à
endurcir la matiere du callus, avec me-
dicamentz topiques, ayants faculté em-
plastique, astringente, & desiccative: et
non tant astringente toutesfoys, qu'elle
ait vertu de phiber la descente du nour-
rissement en la partie: à quoy sont pro-
pres medicaments composés ex farina
volatili, farina frumenti, manna, colla
fabrorum lignariorum, sarcocola, ma-
stich. tragacantha, pice pingui, resina.

Entre les pouldres sont conuenables
pulis myrthillorum, thuris, aloës, myr-
rhæ, boli armeni, sanguinis draconis, ro-
sarum, & leurs semblables: lesquelles
choses en pouldres pourront estre in-
corporées cum albumine oui, vel vino
austero & adstringente. Ou vn tel ca-
taplasme qui sensuyt.

Re. *farinae frumenti* 3 *sex*, *sanguinis draconis*, *mastich. thuris*, *sarcocolae ana* 3 *vnā*: *misceantur simul omnia cum albumine oui*, fiat *cataplasma*. La farine de froment, thus, & sarcocole seront cuittes en eue: puis sera faict cataplasme, lequel a vertu de repulser, retenir & engendrer le callus, auquel on peut adiouster musilaiges de tragagant, gome arabic, & semblables, par lesquels sera faict le cataplasme plus tenant & adherāt: en quoy reiectōs l'huile, car quelques huiles que ce soient, à cause de leur substance oleagineuse, & vinctueuse humectent, & relaxent par trop long temps: qui est la cause pour quoy Galien en la generation du calle, empeschée & retardée par trop grande siccité, plus tost commande la fomentation d'eue tiede,

Les choses vinctueuses em-
peschent la generation du
callus.

LA CVRE DES PLAYES

que d'huile, laquelle de soy, par ceste raison est contraire à toute generatiō de calle.

Donc lors que voulons engendrer le dict callus, on ne doibt aucunement fomentier la partie fracturée de medicaments relaxatifz & humectatifz: car par iceulx on subtilie & liquefie l'humour, lequel au contraire lon doibt desseicher, engrossir, & espessir: ne pareillement de resolutifz, pource qu'ilz consument & desseichent par trop l'humour terrestre, duquel on doibt faire le callus: mais ie ne dy pas que lesdicts medicaments humectatifz & relaxatifz ne doibuent auoir lieu, ou le callus seroit trop gros, ou tortu, pour le diminuer & rompre de nouueau. Aussi s'il y auoit trop grande humidité, non obstant que Galien pour icelle, comme est predict, y commande seulement la fo-

men-

mentation d'eau tie de estre faicte, ius-
que à faire tumefier & rougir la par-
tie: raison me persuade, pour rendre le
callus solide & dur, comme desire na-
ture, fomentier la partie avec telle de-
coction.

Re. vini rubri & austeri ℥ iij. salis cō-
munis ℥ iij. balaustiorum, sumach. ber-
beris, nuc. cupressi, gallarum, ana ℥ iij.
semis, absinth. rosarum rubr. caudæ e-
quinae, polygoni (vulgò centinodia)
ana. m. vñ, aluminis combusti ℥ ij. bul-
liant omnia simul, & fiat decoctio.

Fomēta-
tiō pour
les fra-
ctures.

Et apres la fomentation faicte, i'ap-
prouue applicquer telle ou semblable
emplastre.

Re. olei rosati, myrthillorum ana ℥ ij.
colophonie, mastich, thuris ana ℥ vñ,
nuc. cupressi, boli arme. ana ℥ semis, em-
plastri diachalciticos ℥ iij. liquefiant
simul, & fiat emplastrum secundum ar-

Empla-
stre pour
les fra-
ctures.

Fij tem,

LA CVRE DES PLAYES

tem, ou au lieu d'iceluy sparadrapum,
faict en la maniere qui sensuit.

Re. thuris, farinae volatilis, picis, ma-
stich. boli armen; ana z ij . seu i arietini,
cerae albae ana ss semis, fiat emplastrum,
en laquelle on doibt plonger linges, pe-
dant qu'il est chaud & liquide: & soient
applicqu'es sur la fracture: aulcuns ap-
pellent tel medicament, toille gaulti-
er: en deffault duquel on pourra vser
de cestuy.

Re. olei rosati vnc. iiij . resinae vnc. tres,
cerae vnc. duas colophoniae, mastichis,
thuris ana z semis, nucis cupressi, ru-
biae tinctorum (aultrement racine
d'herbe qui tainct en garance) ana dra-
chmam vnam, fiat emplastrum. Ce
medicament sera mieulx faict, si on y
met plus d'emplastiques, & diminue
l'huile: Et en ce faisant fault tousiours
auoir grand esgard à la complexion

& nature du corps: car nul ne doubte
 qu'il ne fault tant desfeicher en vn ieune
 enfant, comme en vn viel ou rustique:
 pource q'en l'enfant, si on vse d'un
 medicament tāt desiccatif, que lon vse-
 roit en vn viel ou rustique, lon consu-
 meroit, comme est ia dict, l'humour du
 quel se faiēt le callus. Partant est neces-
 saire au chirurgien de diligemment
 considerer: car combien que les reme-
 des soient bōs & louables, neantmoins
 pour estre indiscretement applicqués,
 sont cause de faire trespernicieux ac-
 cidents, lesquelz viennent par l'erreur
 dudiēt chirurgien, non conduisant son
 oeuvre par methode rationelle: comme
 il appert que souuentesfoys aduient,
 les callus estre faiētz tortuz, trop
 molz, trop gros, ou trop pe-
 tits. Sil est tortu en sorte que la

La corre-
 çtiō des
 callus vi-
 tiés.

LA CVRE DES PLAYES

Callus
tortu.

partie soit grandement difforme, & l'actiō depraüée: pourueu qu'il fust recent, le fault amollir, resouldre, & mettre à neant selon, que possible sera par fomentations relaxantes, emollientes, & resoluentes, tant par decoction de tripes & testes de mouton, eaeue tiede hydreleum, c'est à dire mistion d'eaeue & huile, que aultres faiçtes d'herbes remollitiues, comme mauue, guimauue, & semblables: en y adioustant fenugrec, fiantes de pigeons, graines de laurier, iris, & aultres semblables deuement dispensés: puis après le redresser en sa naturelle forme.

Callus
trop
mol.

Si le callus est par trop mol, sera endurci, & affermi par medicamēts adstringēts, qui ont esté par cy deuāt escriptz.

Callus
trop
grand.

S'il est trop gros, le conuiendra amoindrir, en muant & diminuant les aliments: puis fault par longue espace de

temps,

temps froter la partie avecque huile,
sel, & salpêtre. Pareillemēt sera la par-
tie fomētée d'eauē salée assés chaulde,
et par dessus y applicquer remedes reso-
lutifz et adstringēts, tātost d'un, tātost
d'aultre, puis la bander assés estroicte-
ment. Et conuicndra faire frictions es
parties opposites, affin de destourner
& attirer vne partie du nourrissemēt.

Aulcunesfoys le callus demeure trop
petit, ou est retardé à faire, quand la
partie est par trop estuée, & fomen-
tée, ou trop souuent remuée: ou à rai-
son que les bendes sont trop estroicte-
ment serrées, ou qu'elles sont ostées de-
uāt le temps: pareillement à cause, que
le patient a faict quelque desordre en
sa maniere de viure. Pour lesquelles
causes fault contrarier à telles choses,
luy ordonnant les aliments, et adaptāt
les remedes propres pour faire & au-

Callus
trop pe-
tit, & re-
tardé à
faire.

gmen-

LA CVRE DES PLAYES
gumenter ledict callus.

La methode de guerir les
os carieux.

Vltre ces choses m'a semblé ne-

O cessaire de non omettre, à dire
quelque chose de la carie, & al-

Causés
de l'altera-
tiō des
os.

teratiō des os: pourtāt que souuent ad-
uiuent, tant pour la sanie imbibée en la
substance, & spongiosité d'iceulx, que
par la diuturnité de l'ulcere, ou pour la
temeraire application des medicamēts
humides: aussi par l'attouchement de
l'air externe, leq̃l les os nudz ne peuuent
endurer. Parquoy est besoing y auoir
grād esgard: car icelle corruptiō ambu-
le de sorte, q̃ qui n'y dōne bon ordre,
la partie se corrōpt & mortifie: laq̃lle
carie et corruptiō quelque foys se mani-
feste oculairemēt, scauoir est, que l'osest
liuide ou noir, et aulcunes foys citrin: le
plus souuēt peult estre cōgneue au tact
de la sonde, par laquelle on sent aspitē

Les si-
gnes
pour cō-
gnoistre
la carie
des os

& inégalité: Aussi qu'en cōprimāt sur
 l'os, la sonde entre dedās. Pareillement
 se cōgnoist la carie & corruptiō de l'os
 par la sanie, laq̃lle flue de l'ulcere plus
 subtile & claire, que celle qui flue d'un
 simple vlcere estāt en la chair: & si est
 moins visqueuse, & plus fetide, que cel
 le qui vient des nerfz ou tēdōs. Or ne
 suffit au chirurgiē cōgnoistre la quāti
 té de la carie, mais aussi la figure et grā
 deur: car quelque fois l'alteratiō est su
 perficielle, aulcunes fois p̃fonde, et sou
 uētes fois tout l'os est trouué carieux et
 putrefié, soit en la teste, au thorax, co
 stes, bras, doigts, iābes, ou aultres par
 ties: & selon icelles differēces, fault di
 uersifier la cure. D'auātage il fault no
 ter, que souuēt ce peult faire corruptiō
 es os, sās la cōgnoissāce et cōiecture (q̃
 biē petite) du chirurgien mediocremēt
 expt, pource que n'y apparoissēt aulcū
 signes

La diffe
 réce des
 caries.

LA CVRE DES PLAYES


signes assés manifestes au lieu d'icelle carie, cōme sont tumeur, liuidité, noirceur au cuir, & grãde douleur: toutesfoys faisant apertiō & ouuerture (qui peult & doibt estre faiçte pour la seule suspicion) lon trouue carie, asperites & esquilles separées. Et au ontraire, nous voyons souuent le patient estre en douleur intolerable: pareillement tumeur en la partie, parquoy le chirurgien peult estre deceu, coniecturant y auoir carie: mais apres l'incision faiçte, il trouue l'os en son integrité, & cōsistence naturelle, en quoy fault considerer les causes de la maladie: car i'ay veu le plus souuēt es nodus, & tophus de la maladie neapolitaine, principalement au crane, apres l'incision faiçte, trouuer cavitē & perdition de la substance de l'os, iusques aux meninges du cerueau, sans y trouuer aulcune esquille

le de l'os, qui est argument pour ceulx
 qui afferment en icelle peste neapoli-
 taine, estre veues proprietés indicibles
 & nō subiectes à raison. Comme nous
 voyons que par sa pernicieuse mali-
 gnité (comme fouldre & tonnoirre)
 elle corrompt plus tost les parties soli-
 des, & consomme la substance des os,
 (non obstant que pour leur siccité ter-
 restre soient plus repugnans à corrup-
 tion, et putrefactiō) q̃ les parties car-
 niformes: lesq̃lles on peult iuger estre
 plus disposées à putrefactiō, que les os,
 à cause de leur humidité et mollesse, par
 laq̃lle raison il se peult iuger, cōme i'ay
 predict, q̃ en icelle maladie y a malice
 occulte, & non subiecte, à raison d'aul-
 cuns vlceres, sans aultre cause exter-
 ne. Mais pour retourner à nostre pro-
 pos, est à consyderer, si la corruption et
 carie est superficielle, q̃ il fault rugi-
 ner

La cause
 de la ve-
 rolle est
 incertaine.

LA CVRE DES PLAYES
ner & ratifiser l'os iusques à ce, que l'õ
aura osté tout ce qui est carieux, avec
telz instruments.


Rugines.



Le signe pour congnoistre que l'on au-
ra osté la carie, est que au dessoubs d'i-
celle, l'os sera trouué solide, duquel on
voit

voit sortir du sang naturel: & si la corruption est plus profonde, nécessité cōtrainct l'oster avec tel trepane que cestuy.

Trepane.



Et là ou la trepane n'a lieu, les caute- Caute-
res actuel-
sont
preferés
aux poté-
cielz.
res actuelz ou potentiels sont conue-
nables: entre lesquelz ie prise plus les
actuelz, pourcequ'en roborāt, ilz absu-
mēt, & desechent les superfluités imbi-
bées en la substāce de l'os (qui sont cau-
se materielle de carie) ce que ne peu-
uent si seurement faire les potentiels.
Toutesfoys sommes souuēt cōtrainctz
vser d'iceulx, par ce que les patiēs ab-
horrēt le fer ardāt. Quāt aux actuelz,
on en faict de plusieurs sortes, q seroit
long

LA CVRE DES PLAYES

long à traicter pour la diuersité d'iceulx, & ne peult la diuersité des formes estre limitée.

Variété
de cau-
teres po-
tentialz.

Les potentialz sont comme eue forte, eue de vitreol, huilē feruente, souffre fondu & boullant, & leurs semblables. En l'application desquelz, est requis au chirurgien grand' discretion, & habilité: car il y a dangier que par faulte d'industrie & dexterité, il touche de telles choses liquides quelque partie de la chair saine, qui seroit cause d'induire douleur, & grande inflammation, ce qui est bien à euitier.

Or combien que brefuete me cōtrainct omettre la description des actualz, desyrant satisfaire au desir des ieunes chirurgiens, ie ne puis passer sans descripre cestuy seul qui sensuit, lequel aura lieu, si l'os carieux est profond, en sorte qu'on n'y puisse attoucher, sans brusler

brusler les bors & leures de l'ulcere,
qui est douleur grãde: parquoy est plus
seur & humain vser de canule de fer,
par laquelle lon fera passer le cautere
actuel iusques sur la carie, en la figure
qui sensuyt, sans ce que la chair sente
l'action du feu notablement.

Cautere actuel.



Canule à cautere.



Et apres la cauterisation faicte, on
doibt faire cheoir la corruption de l'os,


LA CVRE DES PLAYES

en y applicquant deux ou trois foys,
 & non plus, de nostre huile prediſte ca-
 tellorum: & combien qu'elle y ſoit pro-
 pre, ie n'appreue y en applicquer plu-
 ſieurs foys, pourtant que de ſa ſubſtan-
 ce oleagineuſe, aireuſe et humide pour-
 roit trop humecter l'os, qui ſeroit cau-
 ſe de nouvelle corruption. La maniere
 de l'applicquer es caries, eſt qu'elle ſoit
 plus chaulde que tiede: conſyderant
 que lon opere à l'os, lequel eſt dur &
 inſenſible: car en aultres parties char-
 neuſes ne la faudroit ſi chaulde.

L'ufaige
 des cho-
 ſes olea-
 gineuſe
 et humi-
 des ne
 doibt e-
 ſtre con-
 tinué
 aux os.

Et ſi d'auenture la vertu expultrice eſt
 veue tant ſopite, & negligente, qu'elle
 oublie d'exfolier & expeller l'os ca-
 rieux, cōme elle doibt faire toutes cho-
 ſes contraires à elle, il ſera beſoing l'eſ-
 mouuoir en pertuiſant en pluſieurs en-
 droits l'os carieux, avec tel instrument
 nommé trepane perforatiue.

Trepane perforatiue.



Par tel moyen on excitera & ayde-
 ra grandement à nature à separer, &
 iecler l'os corrompu, mais que le chi-
 rurgien soit tant rationel & cōiectu-
 ratif, comme il est requis, de ne pertui-
 ser plus oultre que ledict os est alteré.
 Le signe pour biē le cōgnoistre, est cō-
 me i'ay predict, que lon voirra resuder
 vne humidité sanguinolente, venāte de
 l'os sain, lequel nature veut conseruer,
 & prohiber de putrefactiō. Sēblable-
 mēt icy fault noter ce, qui est predict à
 l'extraict. des esqalles d'os: c'est q̄ i'ama-
 is (nō plus que icelles) on ne doibt p violē-
 ce extraire les esquames d'os: mais est be-
 soig attēdre q̄ nature cōmāce d'exfolier

Les es-
 quilles
 & esqua-
 mes des
 os ne
 doibut
 estre ti-
 res par
 force.

LA CVRE DES PLAYES

L'air am-
biant est
cōtraire
aux os
desnués.

Et iecter l'os alteré: regenerant chair
sur le sain, pour le munir & defendre
tant des medicaments, que de l'iniure
de l'air externe: lequel les os nudz ne
peuvent endurer, comme a esté par cy
deuant escript. Pour ceste cause, fault
euitier la temeraire applicatiō des me-
dicamēts chaulds & acres, après q̄ natu-
re aura exfolié, & iecté l'os carieux,
de paour qu'ilz ne absumēt la chair re-
generée pour la munitiō de l'os, & in-
stauratiō de la perdue: principalemēt,
si ō voit, qu'elle soit bone, scauoir est, q̄l-
le ne soit trop molle, spōgieuse, ou cōme
dict le vulgaire des chirurgiēs baveuse:
mais au cōtraire, qu'elle apparoiſſe so-
lide, & en forme de petits grains de
granade, qui est quand il fault ayder à
nature, la cōduisant à cicatrifiatiō. Et si
l'alteratiō et carie est à l'un des doigts,
nōmé *medius*, ou *medicus*, principale-
ment

FAICTES PAR FLECHES. 51
 ment au milieu de la premiere ioincture, & queraison vous persuade, ny auoir aultre remede, que d'amputer le doigt: ce qui ne se peult faire en tel endroit avec sye, lors sera necessaire vser de tenailles incisives de ceste forme.

Tenailles incisives.



La methode curatoire des cōbustions principallemēt faictes par pouldre à caon.



A cure des combustions faictes par pouldre à canon, ou metaulx, huiles, eaue, feu, ou d'aultres matieres, ne differe, qu'en la seule quantité de la combustion. L'action du feu faisant cō-

Action
du feu.

METHODE CVRATOIRE

re chaulde, condense le cuir le rendant dur, cause grand douleur, qui est cause de faire fluer les humeurs des parties prochaines, & loingtaines, les conuertissant en aquosités sereuses excitant vessies: ainsi par multiplication de cause, & accroissement de matiere s'augmente l'inflammation non seulement neuf iours, cōme disent les vulgaires. mais quelque fois plus long tēps, aucunes fois moins, selon la diuersité des corps, qui est tant que la douleur soit sedée, & la fluxion cessée: & debuons lors tendre nostre pouuoir à estaindre l'ignéité delaisée par l'action du feu, imprimée en la partie cōbuste. Et pour le plus singulier remede prohibant la vessication, duquel i'ay fait plusieurs fois experiēce; c'est d'appliquer tout subit au premier appareil, & nō plus, des oignōs crudz, pilés & battus, avec

Remede
singulier
pour
prohiber
les vessi-
cations
des par-
ties com-
bustes.

vn p
med
quel
cerés
saict
plu
ou v
uoy
mēt.
de l
lo, e
scay
le r
qua
cati
lad
que
par
des
7.
esm

Vn petit de sel, & est à noter, que ce remede n'a lieu, sinon es combustions, lesquelles ne sont encores excoriés ny vlcérés: car il feroit douleur, ce qu'il ne fait ou le cuir est demeuré entier: mais plustost prohibe, qu'il ne se y face bubbles ou vessies. Quant aux parties circonuoyssines, est vtile appliquer medicamēts froids, repercussifz, cōme vnguēt de litharge appellé nutritum, ou de bolo, & aultres de semblable faculté. Ie scay que plusieurs n'ayans experimēté le remede des oignons, considérée leur qualité chaulde, contemneront l'application d'iceulx, voulās disputer les maladies estre curées par leur cōtraire: & que combustion est faicte par chaleur: parquoy pour sa cure requiert remedes froids: les oignōs cōme dict Gal. au 7. des simples sont chauldx au quatriesme ordre ou degré: dōc tāt s'en fault

METHODE CVRATOIRE

qu'ilz cōtrairient aux combustions, que
plustost doibuent estre cause de les au-
gmenter: parquoy n'y peuuent commo-
dément estre applicqués: non obstant
que telle raison ayt quelque apparen-
ce de probabilité, l'experience, raison,
& authorité nous monstrent le cōtrai-
re. Premièrement, i'ay veu par expe-
rience lesdicts oignons auoir faict mer-
ueille: spécialement lors que pensay en
Piedmōt plusieurs souldards, lesquelz
furent bruslés par vne traynée de poul-
dre à canon, laquelle auoient faicte les
ennemys à l'assault du chasteau de veil-
laine: & vous puis asseurer, que là ou
ie peux appliquer des oignons pilés,
en la maniere prediète, n'y veint aulcu-
nes vessies ny pustulcs, comme feist es
autres, ausquelz lediēt remede ne fut
applicqué. Et par raison se peult prou-
uer: les oignons sont chaulds potentia-

Experiē
ce faicte
par l'Au-
teur.

DE
lement
si par le
fient, &
cuir: p
terisse
flâmé:
Ce q
qui se
leur i
cher d
te, qu
vessie
debu
conf
lesqu
ont d
stan
peti
oste
inu
que

ement, & actuellement humides, ain-
 si par leur temperature chaude rare-
 fient, & par leur humidité relaxent le
 cuir: par ce moyen attirent, consomēt,
 terissent, & seichent l'humour ia en-
 flāmē: ce faisant prohibent la vessicatio.
 Ce q̄ nous voyōs iournellemēt de ceulx,
 qui se bruslent aux doigts: car quasi de
 leur industrie sont enseignés les appro-
 cher du feu, et chauffer fort: ē telle sor-
 te, que par icelle chaleur prohibent les
 vessications. Ce que me semble ne nous
 debuoir estre plus admirable, que la
 consyderation des bestes veneneuses,
 lesquelles pour la contrarieté qu'elles
 ont avec nostre corps de toute leur sub-
 stance, par vne sculle morsure, ou bien
 petit de leur salive, en brief temps nous
 ostent la vie: auquel peril n'a peu estre
 inuenté plus seur & meilleur remede,
 que prendre icelles bestes, les piler &
 applic-

Faculté
 des oi-
 gnons.

METHODE CVRATOIRE

Venin
est reme-
de con-
tre ve-
nin

appliquer au vulnere & lieu, auquel
ont imprimé leur saluue virulente, qui
sont choses assés occultes, & quasi non
subiectes à raison. A ceste cause nous
estimons vn souuerain ayde pour les
blessés du crocodile, ou laisard, tost a-
pres appliquer au vulnere la gresse
dudict laisard ou crocodile. Semblable
mēt à ceulx qui ont estés mords, ou pic-
qués d'ung vipere, ou escorpion: icelles
bestes pilées & appliquées comme
dict est, sont pour souuerain remede.
Ce que Galien nous enseigne comme
oracle delphic, en son libure de The-
riach ad Pisonem.

Par authorité, c'est que Galien me
persuade en son cinquiesme libure des
Simples, comme les maladies ne sont
tousiours gueries par contraires qua-
lités, mais aucunesfoys par simila-
bles: combien que toute curation soit fai-

DI
faicte
trarie
ment
uente
soluti
la ma
Parq
des o
stre c
comb
& a
plic
temp
lé m
en la
leir
re v
ana
qua
gu

faiçte par contrarieté, prenant contrarieté l'argement. Ce que manifestement appert es pblegmōs, qui sont souventesfoys curés par medicaments resolutifz chaulds, lesquelz en euacuant la matiere des pblegmons les curent. Parquoy i'ose conclurre l'application des oignons, comme il a esté predict, estre commode au commencement des combustions: mais au second appareil, & aultres suyuant, ne les y fault appliquer, mais est vtile pour oster l'intemperature chaulde, l'unguent appelé nutritum, principalement dispensé en la forme qui s'ensuyt.

Conclu-
sion.

Re. libarg. auri vncias quatuor, olei rosati vncias tres, olei de papaue-
re vnc. ij. semis, aquæ solani & planta-
ana vnc. ij. vnguenti populeonis vncias
quatuor, capburæ, drach. vnā, fiat vn-
guentū in mortario plōb. secundū artē.

Vngue-
tum nu-
tritum
cōtre les
inflam-
matiōs.

Et la

METHODE CVRATOIRE

Et là ou il y auroit vessies, les faul-
droit incontînēt couper, & sur les ex-
coriations vser de l'unguent qui s'en-
suyt.

Vnguet
pour les
combu-
stions ex-
coriées.

Re. butyri recentis sine sale, vstulati
& colati vnc. sex, vitellos ouorū qua-
tuor, cerussæ lotæ in aqua plantaginis,
vnc. semis, tuthiæ similiter lotæ drach.
tres, plumbi vsti & loti drach. ij. misce-
antur omnia simul, fiat linimentum, vt
debet. Et fault augmenter ou diminuer
la siccité selon la dispositiō de l'ulcere.

Aultre de semblable vertu.

Aultre
vnguet.

Re. olei vitellorum ouorum vnc. tres,
olei de papauere 3. ij. lithargyri au-
ri, cerussæ, plumbi vsti et loti, tuthiæ lo-
thæ ana vnc. vnā, aquæ plantaginis et
solani ana vnc. ij. semis, vnguēti popul.
albi Rasis ana vnc. vnā semis, cōtun-
dantur omnia simul in mortario plum-
beo, fiat linimentum, vt decet. Pareille-

DE

ment, j
gulier
tel par
Re. lar
frusta,
de cole
gidum
scyam
deind
uorum
Duqu
l'appl
consy
cere e
neces
mine
guem
puis
ceul
pers
l'ais

ment

DES COMBVSTIONS. 55

ment, plusieurs approuuent pour singulier remede cestuy, lequel ay cõgneu tel par experience.

Re. lardi veteris lb vn̄am concisi perfrusta, liquefiat in aqua rosarum, deinde coletur per rarum linteum; & frigidum, lauetur quater cum aqua hyoscyami, vel alterius generis eiusdem: deinde cum eo incorporentur vitelli ouorum recentium octo, fiat vnguētum.

Aultre vnguēt.

Duquel fault estandre sur vn linge, & l'appliquer sur la combustion vlceree consyderant, diligemment, si ledict vlcere est purulent & sordide: car lors necessite seroit, y adiouster pouldres des mineraulx ingredients es susdictz vnguents. Quant à la quantité, ie ne la puis d'escripre sans estre taxé avec ceulx, que Galien dict chauffer toutes personnes sur vne seule forme: donc ie laisse la quantité d'icelles pouldres à

La quantité des remedes; ne se peut limiter par certaine methode.

la pru-

METHODE CVRATOIRE
la prudente coniecture du chirurgien
bien congnoissant, que la quantité des
medicaments ne se peult rationnellement
descripre: tant pour la diuersité des dis-
positions, que des temperatures des
corps & parties d'iceulx: ny aussi le
temps de l'applicatiõ, comme plusieurs
foys a esté dict. Gal. au 9. des Simples,
apprenue appliquer de l'ancre (du-
quel on escript) aux vlceres faictes par
combustion, de quoy estant à la guer-
re, me faisoit grand estime vn chirur-
giẽ, me certifiant l'auoir expérimenté,
& en auoir faict de belles cures: & te-
noit ledict ancre pour vn grãd secret,
toutesfoys ie ne l'experimẽtay iamais.
Et la ou il seroit besoing de deterger,
fauldra vser des deterfifz subsequẽts,
en y appliquant aulcune des pouldres
ingredientes, escriptz aux susdicts vn-
guents des combustions.

Re. syrupi rosati vnc. iij. terebinth. lo-
 ta in aqua hordei vnc. iij. aloës lotæ
 drach. ij. farine hordei vnc. sem. incor-
 porentur omnia simul, & fiat mūdifica-
 tiuū. Mundifi-
catif d'ul-
ceres des
combu-
stions.

Ce faict, si on voit que nature ten-
 de à cicatrifer l'ulcere, le fault lauer
 d'eau de plantaing, en laquelle on au-
 ra faict boullir vn petit d'alun: ou on
 prendra de l'eau, en laquelle aura trē-
 pé chaux, qui au parauāt seroit lauée
 par huit foys: puis y faire cuire cortic.
 granat. cum alumine rochæ: la quantité
 sera selon le iugement du chirurgien.
 Apres l'ablution fault appliquer telle
 pouldre cicatrifiatiue. L'eau
de chaux

Re. tuthiæ preparatæ, litharg. auri,
 cerussæ, gallar. combust. & lotarū ana
 vnc. vnam: de laquelle en soit mys sur
 l'ulcere pour cicatrifer. Souuentes foys
 aduiēt, que la combustion est si grande,
 qu'elle a bruslé la chair subiacente: Pouldre
cicatrifi-
tiue.
La dou-
leur des
combu-
stions
n'est pro-
portion-
nelle à
la quāti-
té d'acel-
les.

METHODE CVRATOIRE

toutesfoys le patient ne sent si grand
 douleur, que celuy, auquel la combu-
 stion est moindre, & plus superficielle.
 Ce que l'experiance quotidienne mon-
 stre en ceulx, qui sont cauterisés: car in-
 continent apres la cauterisation ne sen-
 tent, que bien petite douleur. A raison
 que icelle grande combustion oste le
 sentiment, en bruslant & mortifiant les
 parties sensiles: ce que souuentesfoys
 i'ay veu, encores n'a guere à vn enfant,
 qui auoit la plus grand partie d'une
 iambe bruslée, iusques aupres des os.
 ou plusieurs voyans la iambe estre si
 grandement bruslée: ioinct qu'à l'en-
 droict de la combustion, l'eschare estoit
 si grosse & dure, qu'elle rendoit la par-
 tie sans aucun sentiment, osoyent con-
 clurre pour le plus expedient la luy
 extirper. A ce ie fuz appellé, ou
 tout subit la scarifiay de plusieurs inci-
 sions

sions
 quay
 pour
 les c
 pred
 dins,
 satisf
 ainsi
 Paro
 toust
 & n
 les p
 uoir
 gnes
 ce q
 poss
 mon
 disa
 sicu
 les
 en l

sions assés profondes, & dessus applic-
 quay beurre sans sel, avec huile rosat,
 pour faire tumber les eschares, lesquel-
 les cheutes, ie vsay des medicaments
 predictz, scauoir est repercuissifz, ano-
 dins, deterisifz, sarcotiques, & cicatri-
 satifz, chascun en son temps & ordre:
 ainsi fut l'enfant gueri parfaictement.
 Parquoy fault que le chirurgien ayt
 tousiours deuant les yeulx, que Dieu
 & nature luy commandent ne laisser
 les patiens sans faire tousiours son de-
 uoir, combien qu'il preuoye tous si-
 gnes mortelz: car nature faict souuent
 ce que semble au chirurgien estre im-
 possible. Cōme tressagement nous de-
 monstre l'un de noz docteurs anciens,
 disant, Contingunt in morbis monstra,
sicut & in natura. A ceste cause ie prie
 les chirurgiens commanceans à operer
 en l'art, qu'ilz n'ayent vouloir de lais-

Exhor-
 tatiōaux
 chirur-
 giens.

METHODE CVRATOIRE

ser les paoures languissantz sans les
medicamenter, ce non obstant quelques
grandes playes, ou aultres dispositions
contre nature qu'ilz puissent auoir:
car souuentesfoys lon voit plusieurs
playes, & aultres maladies, apres a-
uoir esté delaisées & deplorées, gue-
rir. Pour exemple ne vous sera grieffi
par l'affection que ie vous porte, i'en
racompte certaines histoires. Et pre-
mierement, en l'année predicté 1538.
estant à Turin, ie fuz appellé à Mont-
callier pour penser vn souldart nommé
l'Euesque, natif de Paris, lequel estoit
pour lors sous la charge du capitaine
Regnoard: ledict souldart auoit esté
blessé de troys grands coups d'espée,
desquelz en auoit vn au costé dextre
sur la māmelle, ou la playe estoit gran-
de de cinq doigts ou enuiron, penetrāt

en

Histoi-
re.

en la
uoit
mier
indis
su la
te q
que
lé g
prob
gme
quen
qu'à
resp
ure
aue
la b
leur
dem
enu
pati
tay

en la capacité du thorax, ce que n'auoit congneu le chirurgien qui premierement le pensa: car il n'eust si indiscretement (comme ie croy) cou-
su la playe, comme il feist, en sorte que rien ne sortoit. Nonobstant que sus le diaphragme estoit decou-
lé grande quantité de sang, lequel prohiboit l'action d'iceluy diaphra-
gme des poulmons, & par consé-
quent de tout le thorax, en sorte qu'à bien grande difficulté pouuoit respirer, & moins parler, ayant fie-
ure vehemente, le pouls fort esmeu,
auecques vne toux ieettoit sang par
la bouche, se plaignant auoir dou-
leur extreme au costé bleffé. Le len-
demain, ainsi que i'ay ia recité, fuz
enuoyé querir pour visiter ledict
patient: Et estant arriué, ie doub-
tay, voyant telz signes, s'il estoit
Hij pleuri-

METHODE CVRATOIRE

pleuriticque, pour ceste cause ie interrogay celuy qui l'auoit pensé, scauoir si la playe penetroit dedans la capacité du thorax, lequel respond que non: toutesfoys ie osay descouldre la playe à l'orifice, de laquelle ie trouuay gros trombes de sang coagulé, donc subitement feis eleuer le patient par les iambes, la teste en bas, en luy fermant la bouche, et le nés: affin que par ce moyē les poulmons se tumefiassent & feissent expulsion par la playe du sang, contenu au thorax, dedans lequel mettoys les doigts assés profondement par la playe, & luy tiray enuiron trois pallettes de sang coagulé, noir, & fort fetide, par ce qu'il estoit hors de ses propres vaisseaulx. Ce faict, ie le situay au liēt, mettant dedans la playe de l'eue d'orge, en laquelle auois faict boullir miel rosat, & sucre candi, puis fai-

La maniere de
extraire
le sang
contenu
au tho-
rax.

faisc
d'au
pres
iamb
oit se
titx
au li
seren
de l'e
faict
aloē
rer l
apre
me e
vein
chos
vn q
le au
rais
uoie
rari

faisoye tourner le patient de costé & d'autre: affin de bien nettoyer, & apres ce, derechef le feis eleuer par les iambes comme parauant: lors on voyoit sortir avec l'eau quantité de petitx trombes de sang: ce faict fut situé au liect, ou incontinent les accidents cesserent. Le iour suyuant feis iniection de l'eau prediète, en laquelle auoyz faict boullir de la centaure, absinthe, aloës, pour mieulx mundifier & roborer la partie. Mais le patient bien tost apres sentoit vne merueilleuse amertume en la bouche, avec nausée. Lors me veint en memoire auoir veu semblable chose aduenir à l'hostel dieu de Paris, à vn quidam malade, qui auoit vne fistule au thorax, consyderant & donnant raison, que telles choses ameres se pouuoient imbiber es poulmons par leur rarités & spongiosités, desquelz faci-

METHODE CVRATOIRE

lement estoient communiquées à la trachée artère, ou meri, & par conséquent à la bouche. Parquoy ie fuz contraint les oster, & suyuir la cure selon la doctrine & methode des Docteurs de nostre art: par laquelle fut ledict patient parfaitement guéri.

D'avantage me souvient, comme depuis peu de temps auons pensé maistre Thierry de hery, & maistre Loys Drouet, hommes bien exercités, & grandement expérimentés en l'art de chirurgie, deux patients, ausquelz vne petite portion du cerueau (toutesfoys assés manifeste) estoit sortie hors, & ostée de la substance dudit cerueau: de quoy s'ensuyuirent signes & accidents mortelz, comme fiebure continue, treneur, alienation d'esprit, vertigine, scotomie, syncopisement, abbreviation & remission d'aleine, rougeur

Les signes du cerueau vulnéré.

D
des
ce ne
play
sé v
paig
uré c
uoit
avec
quoy
loim
ler,
sue
dica
entr
dou
la n
des
de l
re)
des
à c

des yeulx, & aultres mauuais signes: ce neantmoins ne moururent de telles playes. Et encores de n'agueres i'ay pē sé vn seruiteur de monsieur de Champagne, du pays d'Aniou, lequel fut na uré d'un coup d'espée en la gorge, & auoit l'une des veines iugulaires coupée avec la trachée artere, au moyen de quoy auoit vn bien grand flux de sang. Ioinēt qu'il ne scauoit nullement parler, iusques à ce que sa playe fut cousue & habillée: & pendant que les medicaments estoient liquides, les attiroit entre les pointz d'aiguille, & les rendoit par la bouche. Dont consyderant la magnitude de la playe, & la nature des parties affectes (principalement de la trachée artere, & veine iugulaire) lesquelles sont spermatiques, froides, & seiches: & par ainsi difficiles à coalescer selon la premiere intention

METHODE CVRATOIRE

de nature. Avec ce aussi que la trachée
artere est subiecte au mouuement, qui
ce faict en la deglutition, à raison de
sa tunique interne, laquelle est conti-
nue à celle de l'esophage, & obeissent
l'une à l'autre par vn mouuement re-
ciproque, comme d'une corde à double
chef dans vne polye. Consyderant aus-
si l'usage desdictes parties, c'est que la
trachée artere sert merueilleusement à
la respiration, laquelle est necessaire à
la symmetrie & conseruatiō de la cha-
leur vitalle au coeur, & que la veine
iugulaire est fort requise à la nutritiō
des parties superieures: d'auantage
ayant esgard à la tresgrande quantité
de sang qu'il auoit perdu, & perdoit
par ladicte playe (qu'est le thresor de
nature, conseruant la chaleur naturel-
le, & esperitz vitaulx) & aultres ac-
cidents, faisois pronostic de mort pro-

D
chain
ie cro
tost q
ment
tres,
eu co
& to
monj
comm
me i
icy
i'ay
prad
met
pet
nes
tou
lu
lais
don
ens

chaine. Toutesfoys estreschappé, ce q̃
ie croy estre par la grace de Dieu, plus
tost que par l'ayde d'homme. Pareille-
ment en racompteroys de plusieurs aul-
tres, entre lesquelz aucuns auoient
eu coups d'estoc au trauers du corps,
& toutesfoys ont recouuert santé: mais
monstrer icy la methode & maniere
comme ilz ont esté pensés, ce seroit com-
me i'ay dict, oultre mon scop, qui n'est
icy d'escrire la cure des playes: car
i'ay proposé, Dieu aydant, en faire vne
practique, laquelle i'espere escrire, &
mettre en lumiere, si ie congnois ce miē
petit labeur estre agreable aux ieu-
nes studieux de chirurgie. Et pour re-
tourner à nostre matiere, i'ay bien vou-
lu reciter telles cures desesperées &
laissées: affin de tousiours stimuler, &
donner couraige aux ieunes chirurgi-
ens, qui commencent à practiquer en
l'art

METH. CVRAT. DES COMB.
 l'art de nō laisser les griefbleſſés, ce ne
 antmoins quilz ayent signes mortelz:
 mais s'efforcer à faire ce q̃l'art cōmā.
 de: leur priāt n'y beſongner par acquit:
 ny auſſi les laiſſer par default de paye
 mēt, ſ'ilz ſont indigents: mais pluſtoſt
 leur aider par vne charité, laq̃lle ſōmes
 tenus par le cōmādemēt de dieu, exer
 cer l'un vers l'autre. Et là ou on aura
 faiēt q̃lque cure digne de louāge, ne ſe
 la fault attribuer, mais à dieu: cōſyde
 rāt & cōgnoiſſāt q̃ toutes bōnes choſes
 pcedēt de luy, cōme d'une fōtaine in
 hauſible, & riē de nous cōme de nous.
 Par ainſi luy fault rēdre graces de tou
 tes noz bonnes oeures. Auquel ſupplie
 de tout le pouuoir qui eſt en moy mis p
 ſa gratuite liberalité, qu'il luy plaiſe
 nous faire entēdre la cauſe et fin, pour
 laquelle ſa diuinité nous a donné eſtre,
 & n'eſtre fruſtrés d'icelle. FIN.

FIN.

Ta.



gan
 Au p
 ne
 Ablu
 Apre
 m
 A&ti
 Ault

Bec
 Bec
 Bec

Car
 Co
 CH

Table des matieres principales contenues en ce present liure.

A



Iguille à seton	11
Accidents, lesquelz communement suruiennent es playes faictes par hacquebutes	23
Ablution desiccatiue pour les gangrenes	26

Au profond des playes ne fault laisser aucune humidité estrange 14

Ablution contre le prurit 39

Après l'exfoliation des os, ne fault appliquer medicaments chauds & acres. 50

Action du feu. 51

Aultre vnguent pour les combustions. 55

B

Bec de Corbin 8

Bec de grue 9

Bec de Cane 9

C

Caraplasme anodin 22

Comment la curation des apostemes est variée & l'ordre qu'il y fault tenir 22

Choses vinctueuses ne sont idoines aux inflammations 22

TABLE.

mations	
Cataplasme pour les gangrenes.	24
Cauteres actuelz ont grand vertu contre venins.	25.26
Cataplasme pour le callus.	35
Correction du callus tortu	42
Callus trop mol	44
Callus trop grand	44
Callus trop petit, & retardé à faire.	44
Causes de l'alteration des os	45
Comment le chirurgien doit prudemment examiner les signes & causes de la maladie de paour d'estre trompé sur la carie des os.	45
46.	
Cauteres actuelz sont preferés aux potentiels	
48	
Cautere actuel	49
Canulle à cautere	au mesme.
Conclusions des oignons applicqués sur les combustions	54
D	
Diuision des playes faictes par bastons à feu.	
4.	
Differences des playes faictes par bastons à feu.	4
Deux raisons pour monstrier que la ballotte ne peult cauteriser.	4.5
Dilatatoires	11

Decoction
Differen
baste
Diuerfi
31.3
Diete
Differen
Diete
Dict d
Exper
ver
En co
tio
Epith
En la
lax
Emp
Expe
bu
Eauc
Exho
Form
Form
Facu
Hif

TABLE.

Decoction mundificative	14
Difference des playes faiçtes par fleches & bastons à feu.	30
Diuerfité d'instrumentz à tirer fers à fleches.	31.32.
Diete contre venins	34
Differences des fractures es os.	36
Diete pour engendrer le callus	39
Diët d'un docteur ancien.	57
E	
Experience pour monstrier que la pouldre n'a vertu caustique.	5
En combien de sortes se peut faire complication des dispositions contre nature.	20
Epitheme cordial	25
En la generation du callus ne fault vsfer de relaxatifz, humectatifz, ny resolutifz	42
Emplastres pour les fractures	43
Experience des oignons applicqués sur les costions, faiçte par l'autheur.	52
Eaue de chaulx	56
Exhortation aux chirurgiens	57
F	
Fomentation desiccative & roborative.	28
Fomentation pour les fractures	43
Faculté des oignons	53
H	
Histoire de monsieur de Brissach	8
	Histo-

TABLE.

Histoire d'un souldard blessé au bras	23
Histoire d'un ieune enfant qui auoit vne iam be combuste, & quasi mortifiée	56
Histoire d'un souldard fort nauré par troys grands coups d'espée	57
Histoire de deux patients blessés au cerueau, duquel mesme estoit sortie quelque portio.	59.
Histoire de certain personnage nauré d'un coup d'espée en la gorge, tellement qu'il n'eust plus sceu parler.	60

I

Instruments pour tirer la ballotte, ou aultres choses estranges hors des playes	8
Indications, lesquelles doit obseruer le chi- rurgien	16
Indication prinse de l'essence, & cause de la maladie	16
Indication prinse des quatre temps de chas- cune maladie	17
Indication prinse de la temperature & aage du patient.	17
Indication prinse de la vertu du patient	17
Indication prinse de la coustume & condition du patient	17
Indication de l'air ambiant, de la partie de de l'année, de la region, & du lieu	18

Indica-

Indica
lité
Indica
par
Indica
de l
&c

La po
te,
L'infl
fit
La ca
que
Les c
&c
L'int
L'orc
les
Le c
tes
Les c
&c
L'uf
bu
Lin
L'uf

Indication prinſe du temperament & ſenſibi-	
lité de la partie affecte.	19
Indication prinſe de la dignité & action de la	
partie affecte	19
Indication prinſe de la ſituation naturelle , &	
de la colligance, & figure de la partie affe-	
cté	19

L

La pouldre ne peult eſtre portée avec la ballo-	
te, qu'en bien petite quantité	5
L'inflammation ſubite de la pouldre ne ſuf-	
fit pour prouver qu'elle ſoit caſtique	5
La cauſe de noirceur es playes faiçtes par hac-	
quebutes	6
Les cauſes des grands accidents es playes fai-	
çtes par hacquebutes	6
L'intention de l'auteur	6
L'ordre que doit tenir le chirurgien traittāt	
les playes faiçtes par hacquebutes	7
Le chirurgien doit eſtre muni de troys ſor-	
tes d'inſtruments, de chaſcune eſpece	11
Les cauterés actuelz n'ont lieu es playes fai-	
çtes par hacquebutes	12
L'ufaige d'huiles es playes faiçtes par hacque-	
butes	12
Liniment repercuffif.	12
L'ufaige de l'vnguent ægyptiacum	14
Les	

TABLE.

Les signes de spasme, ou conuulsion	27
L'usage des setons est reprouvé.	14
L'usage & moyë d'user de la pouldre de gnes	16
Les indications complicquées suyuent les co- plications des maladies	19
Le moyen de proceder es affections compli- quées	20
Les symptomes en tant que symptomes ne donnent indication ny ne requierent cura- tion aulcune	20
La fin & scop des indications.	20
Les choses qui empeschent de suyure l'ordre des indications.	20
Les accidents qui suruiennent par l'impruden- ce & ignorance du chirurgien.	21
L'ordre de proceder en la curation des playes faictes par hacquebutes	21
La faculté des medicaments anodins propre- ment appellés	22
La faculté des narcoticz.	22
La vertu des cauterres actuelz	24
Liniment pour les gangrenes apres les caute- res	24
Liniments propres à spasme, & parties ner- ueuses	27
La faculté du plomb.	29
	Les

Les b
lög
La me
ches
Les fi
neu
La me
flec
Les fr
fon
ou
Les fr
es i
Les b
de p
Les c
d'y
L'alim
fa
L'or
co
Le te
Les f
Les
ne
Le c
L'a n
Les

TABLE.

Les ballottes de plomb peuuent demeurer l'ong temps dedás le corps sans nuyſſance.	30
La methode de curer les playes faiçtes par fle- ches	30
Les ſignes des playes faiçtes par fleches vene- neuses	34
La methode curatiue des fractures faiçtes par fleches, ou baſtons à feu	36
Les fractures en l'oſ adiutoire, ou en la cuiſſe ſont plus difficiles à guerir, qu'en la iambe ou petit bras.	36
Les fractures d'oſ ſont plus difficiles à guerir es ieunes que es vieulx	37
Les bendes doibuent eſtre humectees ſouuent, de paour d'inflammation	37
Les cauſes des accidẽts d'agereux, & le moyẽ d'y ſuruenir	38
L'alimẽt viſqueus n'eſt touſiours idoine pour faire la generation du callus	39
L'ordre & diſtributiõ des aliments en noſtre corps	40
Le temps de la generation du callus	40
Les ſignes de la formation du callus	40
Les choſes qui empeschent & retardent la ge- neration du callus	40
Le callus eſt vitiẽ en pluſieurs ſortes	44
La methode de guerir les oſ carieux	45
Les ſignes pour cõgnoiſtre la carie des oſ.	45

TABLE.

La difference des caries d'os	46
Les causes de la verolle sont incertaines	47
L'usage des choses oleagineuses & humides ne doit estre continué aux os.	49
La maniere d'appliquer huile chaulde es caries	49
Les esquilles & esquames des os ne doibuent estre tirées par force	50
L'air ambiant est contraire aux os desnus.	50.
La methode curatoire des combustions, principalement faictes par pouldres à canon.	51
L'inflammation s'augmēte aulcunesfoys plus de neuf iours, aulcunesfoys moins, contre l'opinion des vulgaires	51
Les maladies ne sont tousiours gueries par contraires qualités	53
La quantité des remedes ne se peult limiter par certaine methode	55
L'ancre à escripre appliquée sur les combustions	55
La douleur des combustions n'est proportionnelle à la quantité d'icelles	56
Le Chirurgien ne doit laisser de faire son deuoir, encores qu'il preuoye signes de mort	57.
La maniere d'extraire le sang contenu au thorax	58

TABLE.

M

Moyen de chercher la ballotte retenue en quelque partie	8
Moyen de proceder au second appareil des playes faiçtes par hacquebutes	13
Medicaments mundificatifz	14
Moyen d'exprimer l'humidité des vlceres fi- nueux	15
Medicament pour corriger la corruption des os.	16
Moyen d'extirper vn membre, & d'arrester le flux de sang	24
Moyen de curer les gangrenes	24
Medicament pour faire cheoir les eschares 25.	
Mundificatifz	26
Moyen de tirer les fleches hors du corps &.33.	31
Moyen de guerir les gangrenes	24
Moyé d'extraire le venin hors des playes.	34
Moyen de tirer les esquilles des os	37
Moyen de situer le membre fracturé, & le te- nir vni	37
Moyen de bender la iambe & bras fracturés 38.	
Medicaments topiques pour le callus	41
Mundificatifz pour les vlceres des combu- stions	56

TABLE

N

Nature fait souvent ce qu'au Chirurgien est
veu impossible 57

O

Observation sur les cauterés 28

P

Poudre cathetique fort prouée 14

Preparation des bandes pour prohiber la flu-
xion 15

Prognostic des playes mortelles, & en quelz
lieux 19

Poudre desiccative pour les os desnus 39

Pourquoy les choses vntueuses empeschent
la generation du callus. 42

Poudre cicatrisative 56

Q

Quand & comment fault faire phlebotomie
es playes faictes par hacquebutes 2

Que aucuns traspersés de coupz d'estoc par
my le corps, ont recouert santé 61

R

Raison pour monstrier que la poudre à cané
n'est veneneuse 5

Remedes pour le premier appareil des playes
faictes par hacquebutes 11

Remede pour attirer hors les esquilles d'os

15.

Raison

Raiso
plus
& d

Rem

21

Rem

Raiso

for

Rugi

Rem

tic

Rem

co

Rem

Sigr

Sur

cu

Sigr

Sigr

te

Sigr

Selo

fr

Sigr

Sigr

TABLE.

Raison pour quoy les vlceres de la teste sont plus difficiles à guerir à Paris, qu'en Auignō & des iambes, au contraire	18
Remedes topiques pour seder l'inflammation	

21.

Remede contre toute poyson	34
Raisons parquoy les venins chaulds & froids sont mortelz	35
Rugines	47
Remede singulier pour prohiber les vessications des parties combustes	51
Remedes pour defendre l'inflammation es combustions	52
Remede pour faire tomber les eschares	57

S

Signes vrayz de mortification	23
Sur les gangrenes ne fault appliquer repercuissifz	25
Signes des venins chaulds	35
Signes des venins froids aulcunesfoys mortelz	35
Signes des fractures es os	36
Selon l'aage fault adapter les medicaments es fractures	44
Signe pour congnoistre que la carie est ostée de l'os	47
Signes du cerueau vulneré	59

Tire

TABLE

T

Tirefond	10
Tenailles incisives	10
Toute contusion requiert suppuration,	12
Toille gaultier, autrement sparadrapum	43
Trepane	48
Trepane perforative	50
Tenailles incisives.	51

V

Vnguent catheterique	26
Vnguent farcotic	26
Variété de cauterés potentiels	48
Venin est remède contre venin	53
Vnguentum nutritum contre les inflammations	54
Vnguent pour les combustions excoriées	54


FIN.

Feuil.
lisés f.
feuil.
feuil.
feuil.
feuil.
cillag
Trep



Aulcunes fautes à corriger.

Feuillet.13. page seconde, ligne penultime,
lisés fauldroit.feuil.19.ligne seconde affectes.
feuil.22.sus la marge adioustés lib.1.Aph.21.
feuil.33.lig.8.inciser.feuil.34.lig.10. mords.
feuil.35. page seconde. ligne.10. contraires.
feuil.39.lig.17.exsiccation.feuil.42.li.9.mu
cillages.feuil.48. mettés ceste figure nómée
Trepane exfoliativue, en lieu de l'aultre.



AVX LECTEURS.

*Minerue ayant pitié des corps humains,
Voyant iceulx mourir subitement
Naurés par feu, pouldres, & bastons maints,
Et que pas un des hommes nullement
Ne s'esforçoit leur donner allegeance
Admonnesta quelqu'un de uif esprit
(Luy promettant tresbonne recompance)
Faire quelqu' oeuvre, auquel seroit escript
Enseignement pour guerir ceste esclandre,
Ce que iamais nul n'osa entreprendre.*

